

सानसेयारि 'बड'सा' खौरांलाइयाव
अमाज्यादि जिज्जो लोब्बा थावाय रायथाय, अन्थाय,
अल', अल'बाथा आरु दावबायारि थावनि, पाके
बाइदिनि आयाव लिन्नाय लिन्निदां दैथाय हर/
सानसेयारि 'बड'सा' खौरांलाइया सेबअरान्नि
फोसावगोन।

बड'सायाव लिन्नायनि हुब्बा खालाम,
'बड'सा' खौरांलाइया, जौ बयबो आंगो खालाम।

सानसेयारि बड'सा मावखुलि

माइबं नोगार, जोहोलाव दैमालु लामा

कक्राझार, बिटिस-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Saturday ★ 30 January, 2021 Kokrajhar, BTC, Assam ★ Vol.- 30, Issue No. 302 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

30 जानुवारीआव मुखं सान फालिगोन

गुवाहाटी, 29 जानुवारी:
गुबुन गुबुन बोसोरफोरनि
बादिनो हारदरनि सिखव थावाय
राइज्योफोरा 30 जानुवारी
अक्टखौ मुखं सान महरे
फालिनो थाखाय साखा-फारा
जादों। भारत सरकारनि नख'र
बिफानआ हारदरनि गासैबो
राइज्योफोरनिसिम फोसावनानै
होदोंदि, गाबोन 30
जानुवारीखालि फुंनि 11.00
रिंगायाव फालिनो लानाय
मुखं साननि हाबाफारिनि
समाव गासैबो खामानि आरो
(□ 5 बिलाइआव)

बन्द लाखिथ'नाय दावबायारिरेलफोरखौ फिन खास्हेनांगोनि दावि

बासुगाव, 29 जानुवारी:
कभिड-19 महामारिनि
थाखाय बन्द लाखिथ'नाय
दावबायारि रेलगारि आरो
गोजान जान्थायसिम थांनाय
रेलगारिफोरखौ फिन
खारहोफिनो थाखाय
सा-सा-जा रेलवे
बिबानगिरिफोरनिसिम शिब
सेनानि राइज्योयारि आफाद
आरो दुलाराय बिटिआर सेनानि
आफादगिरि आरो नेहाथारि
देबजित मन्डलआ गांसै
(□ 5 बिलाइआव)

बाक्सानि सौकिआव नैथि बड'लेण्ड राइडार्स मीट



बाक्स, 29 जानुवारी:
बाक्स जिल्लानि भारत-
भुटान सिमनाजों नांजावनाय
समायना मिथिंगानि रानी
सौकिआव दिनेनिफ्राय
साननैनि हाबाफारिजों नैथि
बड'लेण्ड राइडार्स मीटआ
जागायजेनबाय। भारतनि गुबुन
गुबुन राइज्योफोर सोनाब बंग,
त्रिपुरा, मेघालय, आसाम,
सिक्किम, बिहार, कर्णाटक,
महाराष्ट्रनि अनगायैबो गुबुन
(□ 5 बिलाइआव)

सानसेयावनो 1 लाखनिखुइबो बांसिन थागिबि नख'रफोरनो सरकारनि हा पात्ता होनाय हाबाफारिखौ बारग' बिसायख'थि कमिसनार हरिशंकर ब्रह्मआ बाख्नायदों

दिसपुर, 29 जानुवारी: थांनाय
23 जानुवारीखालि शिबसागरनि
जादिनिनारि जेरेडा फोथारआव
हारदरनि गाहाय मन्थि नरेन्द्र
मदिआ राइज्योनि 1
लाखनिखुइबो बांसिन हा गैजायै
थागिबि नख'रफोरनो खेबसेयैनो

हा पात्ता रान्नानै होनाय
हाबाफारिखौ बाख्नायदों
भारतनि बारग' बिसायख'थि
आयगनि कमिसनार आरो
ट्राइबेलफोरनि हा रैखाथि
आफादनि बारग' आफादगिरि
हरिशंकर ब्रह्मआ। गिबि मन्थि

सर्बानन्द सनवालनिसिम इ-
मेलनि गेजेरजों दैथायहरनाय
गांसै लाइजामाव बारग'
बिसायख'थि कमिसनारआ
राइज्यो सरकारनि बे बादि
हाबाफारि लानायखौ
(□ 5 बिलाइआव)



15 थि एसएसबिआ साखोन-सिखोन हाबाफारि आरो सेनिटेसननि बेसादफोर रान्नानै होदों



कक्राझार, 29 जानुवारी: 15 थि एसएसबिआ काजलगानि गेजेरजों
समाज अन्सायनाय हाबाफारि लानानै चिरं जिल्लानि बिजनी पुलिस
थानानि सिखव थावाय गेजेर फरायसालिनि गेलेग्रा फोथारआव
मोनसे साखोन-सिखोननि सायाव सांग्रांथि लाखिनाय हाबाफारिखौ
खुंनाय जायो। बे हाबाफारिखौ बेखेवनानै होदोंमोन एसएसबि
बडइगावनि लेइड नायसंगिरि एन्टी तानमिया। बे हाबाफारिआव
एसएसबिनि कमान्डेट दुर्गा बाहादुर सनार, अभिषेक वर्मा, लेइड
कमान्डेट नबिन कुमार शाह आरो (□ 5 बिलाइआव)

चिरांनि खैला-मैलायाव सरकारि मडेल फरायसालिमानि अन्थाय खाम्फा गायसन्दों



खैला-मैला, 29 जानुवारी:
चिरां जिल्लानि साहा फार्स
थानाय गोथो ओन्सोल खैला-

मैलानि लन्तिबारि गामियाव दिनें
आसाम सरकारनि सोल्लोथाय
बिफाननि मन्थि ड० हिमन्त

बिश्व शर्माया सरकारि मडेल
फरायसालिमा लुनायनि थाखाय
अन्थाय खुन्थिया गायसनफैयो।

तामुलपुरआव माखासे बिथांखिफोर बेखेवदों रांखान्थि मन्थि हिमन्त बिश्व शर्माया

(प्रमद बर'आ बिटिआरनि गाहाय खुंगिरि जानाय लोगो लोगो
हा पात्ता होनाय हाबाफारिखौ जागायजेन्दों: हिमन्त)

तामुलपुर, 29 जानुवारी:
तामुलपुरनि कुमारिकातायाव
बिटिआरनि नैथि सरकारि
फरायसालिमा गायसन्नाय
खामानिया दिनेनिफ्राय
जागायजेनबाय। खमैबो 16
कोटि रं बाहायनानै तामुलपुरनि

कुमारिकातायाव लुफु'नो
लानाय सरकारि
फरायसालिमानि लुफु'नाय
खामानिआ आबुं जायोब्ला
ओन्सोलनि फरायसाफोरनि
थाखाय खाबु गोनां जागोन।
आबुं सरकारि धोनजों लुफु'नो

लानाय बे फरायसालिमायाव
गोरयुंजों लोगोसे मोनफ्रोमबो
थाखोनि कर्मसारिफोरखौ
थिसन्नाय जागोन आरो आरिसु-
बिगियान आयदानि थाखोखौ
जागायजेननाय जागोन। बेनो
(□ 5 बिलाइआव)

सिबसागरनि सुकाफा देहा फाहामसालिनि माल्टि चार्जारि माइक्र 'स्कपखौ सुबुंफोरनो सिबिथाय होनो थाखाय गिबि मन्थिआ बेखेवबाय

दिसपुर, 29 जानुवारी : जिल्लानि डिम'आव थांनाय
आसामनि गिबि मन्थि सर्बानन्द
सनवालआ दिनें सिबसागर

जिल्लानि डिम'आव थांनाय
सुकाफा देहा फाहामसालिआव
थिसन्नाय माल्टि चार्जारि

माइक्र 'स्कपखौ राइजो-राजा
सुबुंफोरनो सिबिथाय होनो
थाखाय बेखेवनानै होबाय। बेनि
लोब्बायै खुंनाय मेलाव गिबि
मन्थि सनवालआ गावनि
बिबुंथिनि गेजेरजों बे चार्जारि
(□ 5 बिलाइआव)



आइन बेरेखायै मोसो-मैसोनि फालांगि खालामनो फैनाय सुबुंनि हेंथायै पुलिसया गोखों संदान्दों

कसुगाव, 29 जानुवारी:
आसाम-बंग सिमनाजों
नांजावनाय श्रीरामपुर जानानै
राइज्योआव हाबफैनाय आइन
बेरेखा मोसो-मैसोनि फालांगि
खालामग्रा सुबुंनि हेंथायै पुलिस
खुंथाया गोखों राहा लादों।
मोसो फालांगिनि हेंथायै
(□ 5 बिलाइआव)

बे अन्थाय खाम्फा गायसन्नाय
हाबाफारिआवनो बिटिआरनि
गाहाय खुंगिरि प्रमद बर',
मावफुं सोद्रोमा रन्जित
बसुमतारि, चिरां जिल्ला बेंगिरि
आरो जिल्लानि माखासे
बिबानगिरिफोराबो बाहागो
लादोंमोन। मडेल
फरायसालिमानि अन्थाय
खुन्थिया गायसन्नाय
हाबाफारिआव मन्थि ड० शर्माया
बुडोदि, बे फरायसालिमानि
लुनाय खामानिआ थाबैनो
जागायजेनगोन आरो बेनि
लुफु'नाय खामानिखौ फैगो
18 दाननि गेजेरवोनो
फोजेबनायनि थांखि लादों। बे
फरायसालिमानि मुखौ निसिमा
मडेल कलेज दोन्नाय जागोन
होन्नानैबो मन्थि शर्माया
फोरमायो। हाबाफारिखौ
फोजेबनायनि उनाव
(□ 5 बिलाइआव)

बोसोरनि रांखान्थि बाजेटनि सिगांनो हादतगिरिनि बिबुंथि (1.5 कोटि निखावरि सुबुंफोरा 5 लाख रांसिम फाहामथायनि मदत मोन्तों : हादतगिरि)



गोदान दिल्ली, 29 जानुवारी:
हादरगिरि रामनाथ कबिन्दनि
बेसेन गोसा बिबुंथि लाखिनायनि
उनावनो पालियामेन्टनि बाजेट

जथुम्माया दिनेनिफ्राय
जागायजेनबाय। बेनि उनाव
रांखान्थि मन्थि निर्मला
सितारमनआ रांखान्थि
जुथायनायखौ फोसावनानै
होयो। रांखान्थि बोसोर 2021-
22 नि सरासन्हा बाजेटखौ
पालियामेन्टआव फैगो 1
फेब्रुवारीनिफ्राय फोसावनाय
जागोन। रांखान्थि जुथायनाय
2020-21 नि रिपर्टखौ
फोसावनायनि उनावनो
(□ 5 बिलाइआव)

माजबातआव मोसो फिसिनायनि सायाव सांग्रांथि मेल खुंदों

उदालगुरि, 29 जानुवारी:
उदालगुरि जिल्लानि माजबात
खोन्दो जिब-जुनात
फाहामसालिनि सिखव थावाय
हाबिगाव गामिनि गेलेग्रा
फोथारआव दिनें आइसिडिसि-
बिटिआरनि बान्जायनायाव आरो
माजबात खोन्दो जिब-जुनात
फाहामसालिनि हेफाजावआव
मोनसे मोसो फिसिनायनि
सायाव सांग्रांथि मेल आरो मोसो
फिसिनि दिन्थिफुंनाय हाबाफारि
खुं डो। मोसो फिसिनि
दिन्थिफुंनाय हाबाफारिखौ
बेखेवनानै होयो ओन्सोलनि



आजिर मोन्नाय फोरंगिरि बिण्यु
उपघायआ। बेनि उनावनो
ओन्सोलनि समाज सिबियारि

महन भक्त रायनि मासि
सामलायनायाव सांग्रांथि मेलखौ
खुंनाय जायो आरो बे मेलावनो

उदालगुरि जिल्लानि जिब-
जुनात फाहामगिरि ड० नगेन
चन्द्र कलितयाया मोसो गायनि
फिसिनाय आरो मोसो
फिसिनाय जोलैनि सायाव
बिबुंथि लाखियो। बे मेलाव
रौता राइज्योयारि जिब-जुनात
फाहामसालिनि फाहामगिरि ड०
कमल चन्द्र गौं आरो ड०
मइनुल हकजों लोगोसे माजबात
खोन्दो फाहामसालिनि
फाहामगिरि ड० भवेन शर्मायाबो
बिबुंथिनि गेजेरजों मोसो
फिसिनाय आरो बेनिफ्राय माबों
मुलाम्फा जानो हायो बेनि
सायाव फिसिगारिफोरनिसिम
गोनां बाश्राखौ बुंथियो। मेलनि
(□ 5 बिलाइआव)

उदालगुरि जिल्लानि माइना बर'आ आलासि जानो थांनानै गोमाहैदों



उदालगुरि, 29 जानुवारी: उदालगुरि जिल्लानि रौता पुलिस
थानानि सिखव थावाय हातिगर गामिनि थागिबि मनियम बर'नि
फिसाजो माइना बर' (भार्तिजा)आ मैयानिफ्राय गोमानानै दड।
मैया 9.30 रिंगासो समाव साखाथिनि बिमाइनि गामियाव गावनि
बिब'नि न'आव थांनो होन्नानै माइना बर'आ ओंखारलादोंमोन।
बेनि उनावनो माइनाया न'फार्स गिदिबोफिनाखै। अदेबानि नख'रनि
फिसाजोआ न'सिम गिदिबोफिनैआव बिफा मनियम बर' आरो
नख'रनि सोद्रोमाफोर जैरे-मैरे खौरां लासेयावबो जेबो गुमुर मोनैयाव
थांजोडै पुलिसनि हेफाजाव लायो। भुगिनांनय नख'रआ दासादि
माइना बर'नि गोमानाय जाथायनि (□ 5 बिलाइआव)

उदालगुरि जिल्लानि जिब-
जुनात फाहामगिरि ड० नगेन
चन्द्र कलितयाया मोसो गायनि
फिसिनाय आरो मोसो
फिसिनाय जोलैनि सायाव
बिबुंथि लाखियो। बे मेलाव
रौता राइज्योयारि जिब-जुनात
फाहामसालिनि फाहामगिरि ड०
कमल चन्द्र गौं आरो ड०
मइनुल हकजों लोगोसे माजबात
खोन्दो फाहामसालिनि
फाहामगिरि ड० भवेन शर्मायाबो
बिबुंथिनि गेजेरजों मोसो
फिसिनाय आरो बेनिफ्राय माबों
मुलाम्फा जानो हायो बेनि
सायाव फिसिगारिफोरनिसिम
गोनां बाश्राखौ बुंथियो। मेलनि
(□ 5 बिलाइआव)

सुजुगिरिनि खोलोम

खामानि गैथै सुबुंफोर गसंथानो हानायनि राहा दिहुन्नायनि गोनांथि फैबाय

आबादखौनो गोबांथार सुबुंफोरनि थानानै थानायनि गिबि आरो गुदि फुंखा होन्नानै गनायनाय जायो। आबादनि अनगायै सादा-बुसा मानवानै जाग्रा गामियारि सुबुंफोरा गुबुन माबा मोनसे मुलाम्फा गोनां फालांगि खालामनानै जानायखौ गोब्राब मोनो। मुगाया सोलायबाय, सुबुंफोरा एफा-एनै फालांगियाय आखाय होनो हाबाय। नाथाय दासिमबो बांसिन जौखोन्दोनि सुबुंफोरा आबादखौनो गुबै राहा हिसाबै लायो, नाथाय आबाद दिखानायवाय गुबुन जौगाखा हादतजों समानै आगान सुरफालांनो हायाखै। बेनि थाखायनो जौनि ओन्सोलाव बाइदिसिना आबाद आरो मैंग-थाइंगफोरनि आंखाल जानायबो नुजानो मोनो। जाउनाव जौनि ओन्सोलनि हाथाय-बाजारफोरखौ दखल खालामफैनो खाबु मोनो।

आथिखालनि समाव ना आरो हांसो-दाव -अमा फिसिनायाबो मोनसे फालांगिनि महर मोनबाय। गुबैथै ना-बेदरनि चाहिदाखौ फोलोमनो हानायनि राहा लानाय नुनो मोनो। आथिखाल राइज्योयाव ना-बेदरनि चाहिदा सुफुंनो बाइजोनिफ्राय ना-दाव लानानै फैनाय नुनो मोनो। हांसो-दाव फिसिनायनि मोजां समा जादों दैज्जां बोथोर। दैज्जां बोथोर सौफैब्लानो गामि ओन्सोलनि गोबां हाखर-हाला, गरखाय-दंग्रा अखानि दैजों दानत्रै-दानबासिम आबुं लोमनानै थायो। बेफोर एरेनो गोलेसोनानै थानाय हाखर-हालाफ्राव समबाय महरै एबा गावयारि महरै बोथोर मोनसेनि थाखाय ना फिसिनो हागौ। ना-जों लोगोसे जावजा आबाद महरै हांसो फालोबो फिसिनायनि राहा खालामनो हायोब्ला रंखावरि आर्जिनायनि फुंखाखौ बांहेनायनि मिजिं खालामनो हागौ। दैज्जां बोथोरवा थि बेख-थायनि गेजेराव दोनानै हांसो फिसिनो लायोब्ला दैयाव थाल्दानाय-साम'-खांखाइ, गुमा, बायदिसिना एम्फो-एनलाफोरखौनो जानानै थानो हायो आरो देरनो गोलै जायो हांसोया। जाउनाव गोबां आदारनि गोनांथि जाया। बिबिदो हाखर-हालानि फोसाबम्राडैहाग्रा-बंग्रा, दाखोर-दालाफ्राबो ना फिसिनायाव गोबां मदत खालामो। नानि थाखाय फोसाबै हाखर, गरखायफ्राव गोबां आदारनि गोनांथि जानानै फैनाय। मानो होनोब्ला बेफोराव नानि थाखाय गोबां आदार ज' जानानै थाखायो। बेखायनो बेफोरखौ सिगां नोजोर थियोनानै मोजां आरो गोगो जौलेनि ना फुवान आरो हांसो जौलै लाबोनानै फिसिनायनि बे गोलै राहाजों बाडाइ खरसा आरो बाडाइ समनि गेजेरावनो रंखावरि आर्जिनायनि लामा लानो हागौ आरो बिबिद राहानि गेजेरजोंनो खामानि गैथै लाइमोन एबा जायखि-जाया सुबुंफोरानो नाजों लोगोसे जावजा महरै हांसो फालोबो फिसिनानै थानानै थानायनि लामा दिहुनो हागौ। आथिखाल ना-बेदरनि चाहिदा बांनय आरो बारायग्लबावनाय बेसेनखौ नोजोर होनानै ना-हांसो फिसिनायजोंबो रंखांथियारि बिथिडै गोखों जानो हानायनि लामा फैनायनि मिजिं थायो। नाथाय बेफोर आबादजों गोबां मुलाम्फा फैनाबो जानो हागौ नाथाय बेकारफोरनि थाखाय साखि-बाथि मोनसान्दि आखायनि खरसा फैनाया रोखा।

दिनैनि फानजामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष** - दिनैनि सानआ गोथार सान। सोरबा लोगोरिजों जगा जग खालामलायनो हागोन। सानायफ्रा जाफुंगोन।
- वृष** - जिंगा सिनायनिफ्राय गोजान जानो हागोन। गोजोनै समखौ बारहोनो हागोन। मोजां सान।
- मिथुन** - रंखावरि एबा माबा मोनसे मुवा गोमाबायनो हागौ। जैरैबो सांग्रा जानानै थानांगोन।
- कर्कट** - दिनैनि सानाव लोगोजों आन्दायलायनाय जानो हागौ। हांसिडैनो सम बारहोनो हागोन।
- सिंह** - जेखि मावा मुलाम्फा मोन्नो हागौ। रंखावरि बुधुमनानै लानो हागोन। मोजां सान।
- कन्या** - फारफ्रोमावबो मोजां। जैरैबो मुलाम्फा खालामनो हागोनानयनि आसा दड।
- तुला** - सानाय थांखिखौ जाफुंहोनो हागोन। गोसोआ गोजोनाय मोनगोन। मोजां सान।
- बृश्चक** - जेखि बादाया मानो देरहासर जालानो हागोन। गोजोनायखौ मोन्नो हागोन। फारफ्रोमबो मोजां।
- धनु** - फालांगिफोर मानवायाव खहा जानो हागौ। सांग्रां जानानै मानांगोन। गोजोनायखौ मोन्नाय नडा।
- मकर** - माबाफोर मुवा-बेसाद खहा जानो हागौ। गोसोखौ गात्रि मोनखांगोन। गोसो हमथा।
- कुम्भ** - माबा मोनसे मोजां हाबा मानवानै गियानखौ मोन्नो हागोन। गोजोनाय मोनगोन।
- मीन** - फरायगिरिफोरा फरायनायाव दावगानो हानाय नडा। जेखि जाया गोसो होनांगोन।

बेखार आरो उद्यग फालांगि

एन.चि. नार्जरी

खामानि गैयाब्ला बेखार जायो। उद्यग गैयाब्ला खामानिफोर गैथै जायो। खामानि मावाब्ला गोरिब जायो। गोरिब जायोब्ला जौगानाय गैथै जायो। जौगानाय गैयाब्ला जेनाफोर नुजाथियो। जेनाफोर थायोब्ला खेफोदफोर फेयो। खेफोद थायोब्ला देहा सोलेरा बायगिलयो। बायगिलनाय देहाया जिउ थुंगैयो। बेफोर थासारिफोरा सुबुंनि जिउ मोनसेयाव नुजाथिनाय जिउनि बोहैथि। बे जेनाफोरखौ बोझानाय सुझानाय गाहाय बिबानफोरा मोनसे सरकारनि। मोनसे सरकारा गावनि गुबुन गुबुन बिबानफोरनि गेजेरजों राइज्यो राजाफोनि मोजां बान्जायलु हाबाफोर मावफुंलानायखौ नुनो मोनो। बेफोर सरकारनि बान्जायलु हाबाफोरजों सुबुंफोरा गावनि जिउ मोनसेयाव थाना-थानायनि राहा -लामाफोरखौ जेना गैया लासे उथ्रिनायाव मदतफोर मोन्नो हायो। बेनिनो सरकारनि गोनांथार मोनसे बिबाननि मुंआ उद्यग आरो फालांगि। बे उद्यग-फालांगि बिबाननि गेजेरजों सरकारा सुबुंफोरनो गोबां खामानिफोर होनायाव मदतफोर मोन्नो हायो आरो बेखार होन्नाय जेनाफोरखौ बोझानायव खाबुफोर मोन्नो हायो।

उद्यग फालांगि होन्नानै बुडैब्ला गाहायै जायनि गेजेरजों मुवा-बेसादफोर दिहुन्नाय जायो। सुबुंफोरनि खामानि सोरजिनाय जायो। रां खामानयो मदतफोर मोन्नो हायो। हाथाय-बाजारफोरनि फालांगि आखुथायफोरा जौगासारो। बेनि लोगोसे बे उद्यग आरो फालांगिफोरनि गेजेरजों मोनसे सरकारा टेक्स आरो रेभेनड मोन्नो हानायाव मदतफोर जायो। जेराव सरकारनि गुबुन गुबुन बिबानफोराव बेफोर खाबुफोरखौ नुनो आरो मोन्नो हाया। बेनिखायनो राइज्यो आरो ओन्सोल जौगानाय फोराव बे उद्यग आरो फालांगिफोरा गोबां बिहोमा थानायखौ नुनो मोनो। बेनिखायनो बुहुमनाडेउद्यग आरो फालांगि खांथिखौ लानानै बादायलायनाय नुनो मोन्दों। सानफ्रामबो गोदान-गोदान सोलो दिहुन्दों थांखिफोर लानायखौ नुनो मोन्दों। दिनैनि बे समाव उद्यगफोरनिफ्राय गासै मोन 10.000 निबो बांसिन मुवा-बेसादफोर दिहुन्नाय नुनो मोन्दों आरो हाथाय-बाजारनि गेजेरजों फालांगि मावदों। हाथाय-बाजारनि बादायलायनायखौ नुनो मोन्दों। बेफोर उद्यगनि मुवा-बेसादफोरखौ गाहायै गर्भामेन्ट सेक्टर आरो प्राइभेट सेक्टरफोरनि गेजेरजों मावफुंनायखौ नुनो मोन्दों। गर्भामेन्ट सेक्टरफोराव गाहायै क'परिसन सेक्टरफोरजों मावफुंनाय। पाब्लिक सेक्टर आरो पिपिपि मडेलफोरजों मावफुंनायफोरखौ नुनो मोन्दों। नाथाय बेफोर गर्भामेन्ट सेक्टरफोरनि उद्यग आरो फालांगि फसंथानफोरखौ बर' रावआव नुनो मोनाखै। प्राइभेट सेक्टर फोराव गाहायै क'-अपार्टिभ सेक्टर, पाटनारसिप आरो प्रपाइडसिप आखुथायफोरनि गेजेरजों मावफुं जानायखौ नुनो मोनो। बेफोर सेक्टरफोरनि गेजेरजों जौनि राइज्योआव उद्यग आरो फालांगिफोरखौ गायसंनो हायोब्ला थारैनो रंखांथिनि जौगानाय फैगोन। सुबुंफोरा खामानिफोर मोन्नो हागोन आरो बेखार जेनाफोरखौ बोझानायव मदतफोर मोन्नो हागोन। बेनि अनगायैबो मिरु सरकार आरो जौनि आसाम सरकारखौ उद्यग आरो फालांगि जौगानाय आरो गायसन्नायनि थाखै गोबां गुबुन गुबुन पलिसिफोर लानायखौ नुनो मोन्दों। बे बायदिनो उद्यग गायसंनो थाखै-10:30:60 जौखोन्दो रुजु जखाफोर बादियै रॉनि मदतफोर मोन्नो हानाय राहाफोर। टेक्स एक्सपेन्सिनि राहाफोर टेन्सपर्ट साबसिडि, बैंक लन फोरनि इन्टरेस्ट कमिसन फोरनि खाबुफोर थानायखौ नुनो मोन्दों। बेनि अनगायैबो गोबांथार गुबुन गुबुन बिथिंफोराव रेहाय मोन्नायनि राहा -लामाफोर दं। बेफोर सरकारनि खाबुफोरखौ मोन्नो थाखै माखासे क्रेटिरियाफोरखौ सुफुंनो हानांगोन। बे क्रेटियरफोरा फारियै बिजाथिया उद्यग आरो फालांगिनि सायाव रोंगैथि थानांगोन। रंखांथिनि सायाव नांगो बादियै रोंगैथि थानांगोन। बायनाय फान्नायनि फालांगि आयदायाव हिसाबफोरनि रोंगैथि थानांगोन। बेंकफोरनि ट्रेन्जक्सननि सायाव गियान थानांगोन। जिएसटि, इन्काम टेक्सफोरनि सायाव रोंगैथि थाथारनांगोन। बेफोर गियानखौ रोंखा राखा जानानै थायोब्ला उद्यग आरो फालांगियाव गोलैथैनो उथ्रिनो हागोन। बेनिखायनो उद्यग आरो फालांगिनि बेफोर मोनथिनो गोनां आरो रोंनो गोनां गोबां हाबा आरो बाध्राफोरखौ गोलैथैनो राइज्यो -राजाफोरा सोलोनो आरो रोंनो हानाय बायदियै स्केल डेभेलपमेन्ट सेक्टरफोर गायसंनाय, सावययमेल खुंनया आरो सोलौंसालि गायसंनायफोरनि राहाफोरखौ सरकारा मावफुंनो हायोब्ला थारैनो राइज्यो राजाफोरा सोलौनो आरो हाबाफोर मावफुंनायाव गोबां हेफाजाबफोर मोन्नो हागोन आरो बेफोर बायदि सरकारनि हाबाफोरिफोरनि गेजेरजोंसो उद्यग आरो फालांगिखौ मावफुंसारनो हागोन। बेनिखायनो गिबियावनो सरकारनि सैथो नोजोर, थांखि, आरो मावफुंनायनि सायावसो गासिबो जाफुंसारनाया लामानायनांगो जायो।

श्रीकृष्णआ बर हिन्जाव हाबा खालामदोमोन

(थानाय बिसाननिफ्राय) गोब्राब जानानै फैदोंमोन। नरकासुरनि आखायाव जिबिसांदिन बिष्णु अस्त्र थागोन, बेखौ फेजेननो हानाय नडा बे बाध्राखौ श्रीकृष्णआ मोन्थिनानै बिष्णु आनान ग'साइनि मदद लानो गोनां जादोंमोन। गावनिनो अबथार श्रीकृष्णनो बिष्णु आनान ग'साया मदत होदोंमोन। बिष्णु अस्त्रखौ दान्दिसेनि थाखाय बिष्णुआ चुथ्रा खालायनानै होदोंमोन। बे सुजुगखौ लानानै श्रीकृष्णआ नरकासुरखौ गावथारदोंमोन। बर' राजा नरकासुरा बे बादिनो थैनानै थांदोंमोन। नरकासुर थैनानै थानायनि इयुनाव श्रीकृष्णआ बेनि फिसाज्ला भगतदत्तखौ प्रागज्य'तिषपुरनि राजमासिआव फजदोंमोन। राजा नरकासुर थैनानै थानायनि बेनि जिड' रोजा रानीफोरा आलाइ आथानि जादोंमोन। फिसायखौ गावथारनायनि बदलै बिसोरनो नरकासुर बादि गोहो गोरा बोलो गोरा फिसाय होफिननांगो होनानानै नरकासुरनि गासिबो बिसिफोरा दाबि होदोंमोन। श्रीकृष्णआ आख'फाख'आव गोल्दोंमोन। बे समाव सोर्गो, मर्थ आरो पातालाव नागिरजोबब्लाबो नरकासुरजों समान गोहो गोरा आरो बोलोगोरा राजा मोननो गैयामोन। उपाय गैजायैलाय, श्रीकृष्णआ गासिबो जिड' रोजा हिन्जावफोरखौ गावजोंनो लांफानो गोनां जादोंमोन। बिसोरखौ लानानै श्रीकृष्णआ गावनो हाबा खालायजोबनानै लाहैदोंमोन। बे बाध्राफोरखौ बिष्णु पुराननि थामजिसे आरो थामजिनै बाहागोआव लिरनानै फोसावनाय जादों। बे बर' हिन्जावफोरनिफ्राय श्रीकृष्णआ गासै दाइन्जिस्ति रोजा दाइन्जौ (87,800) फिसाफोर मोनदों होनानानैबो बे पुरान बिजाबाव लिरनाय जादों। अमा (बराइ) महरखौ अबतार लानायाव बिष्णु आनान ग'साया आइ बँसोमुथिखौ हाबा खालायफेदोंमोन। बिनि इयुनाव श्रीकृष्णनि महराव अबतार लानाय समाव श्रीकृष्णआ जिड' रोजा बर' हिन्जावफोरखौ हाबा खालायदोंमोन। बिष्णुआ बिहामजोफोरखौ हाबा खालायदोंमोन। बिष्णुआ बिहामजोफोरखोनो हाबा खालायनानै लांनायखौ बोरेबा मोनो। नाथाय बे बादिनो लिरदों।

भारतआ मुलुगनाडै आरोबाव हादतनि करना भेक्स्नखौ दैथाय हरगोन:मदि

गोदान दिल्ली, 29 जानुवारी: गाहाय मन्थि मदिवा वाल्ड इकनमिक फरामआव होनाय गावनि बिबुंथिआव माखासे आयदाखौ दैखांदों। बियो मारो भारतआ करना भाइरासनि गिख्रंथाव इन्फेक्सनखौ दावहानांनयाव मुलुगखौ मदत खालामदों बेखौ फोसमायदों। बे बिबुंथिआव बियो जेराव हादतनि भेक्स्ननि सोमोन्दे मुलुगनो फोरमायदों, बेवहायनो बेखौबो फोरमायदोंदि, इयुनखौ लानानै बे दावहायाव भारतनि मा सोलोआरि खांथि जागोन। बिबुंथि होनायजों सोमोन्दो गोनां माखासे बाध्राफोरनि बायदिब्ला जाय समाव भारतआव समाव मुलुगनि माखासे मुंदांखा जर'खाफोरा बे बाध्रानि सन्देह खालामनायखौ फोरमायदोंदि, भारतआ मुलुगआव बयनिखुडौ



बांसिन गोहोम गोलैनाय हादत जागोन। बेवहाय बेनि जाहोनाव थैनायनि अन्जिमाया 20 लाखनिफ्राय बांसिन जागोन। बे इयुननि बाध्रा फोरमायनायजों जिंगासिनांगोआ सरसन्सामोन। बेबायदिया बेनि थाखायनो मानोना जौगाखां हादतफोराव बेनि गोहोम गोलैनायखौ नुनो मोन्दोंमोन। बे हादतफोरा बेखौ सामलायनायाव जाफुंसारनो हायाखैमोन। बेनि उनावबो भारतआ गावखौनो जिंगासिनायनिफ्राय गोजानाव दोन्दों। भारतआ बेखौ होवथानो थाखाय मोनसे मोजां सान्नाय हनायजों लोगोसे आवगाय लांबाय थादों। बेवहाय सुबुंफोरनि बाहागो लानायखौ थि खालामदों।

भारतआ इज्राइलनिफ्राय लाइट मेसिन गानफोरखौ मोन्नो हाबाय



गोदान दिल्ली, 29 जानुवारी : चीनजों सिमनानि जेना सोमजिनानयनि गेजेराव भारतआ इज्राइलनिफ्राय 6 रोजा नेगेब लाइट मेसिनगान बायदों। रैखाथि मावख'नि बिबानगिरिआ फोरमायदोंदि, फास्ट ट्रेक हाबाफारिखौ आजावनानै लानानै थानाय 19 मार्चआव भारतआ इज्राइलजों लोगोसे 16,479 नेगेब लाइट मेसिन गान (एलएमपि) खौ

मेसिन गानखौ बे बोसोरनि मार्चनि जोबथायाव मोन्नो हागौ। नेगेबया 7.62 गुन थानाय 51 एमएम लाइट मेसिन गान आरो दावहानि थाखाय बेयो मोजां हाथियार। आथिखालनि समाव मुलुगनाडैनि माखासे हादतफोरा बेखौ बाहायदों। बे हाथियार सान्थिफोरनि थांखि लानायनि बेख-थायखौ बांहेनायजों लोगोसेनो गोहोखौबो बांहेदों। सरकारनि मेक इन इन्डिया अभियाननि गेजेरजों भारतीय सान्थिनि गुबुन गुबुन गोनांथिफोरनि थाखाय भारतीय उद्यग प्रि-ट्रायेल स्टेजयाव हाबाफारि मावदों। रैखाथि मन्थिआ बुंदोंदि, इमार्जेन्सिनि सान्थि अभियानफोराव अग्रिम मर्चायाव थिसन जानाय सान्थिफोरनि थाखाय गोनांथि हाथियारफोरखौ जगायना होनाय जादों।

फरायसालिनि थाखाय गोदान गाइडलाइन फोसावदों



गोदान दिल्ली, 29 जानुवारी : करनानि जाहोनाव थानाय बोसोरनि मार्च दाननिफ्राय बन्द जानाय फरायसालिआ आथिखालाव खुलिबाय। मिरु सोलौंथाय मावख'आ फिन खुलिफिननाय सहरनि फरायसालिखौ लानानै गाइडलाइन फोसावदों। गाइडलाइननि बादिब्ला फरायसालियाव थुवरु थानो मोन्नाय नडा। फरायसालि स्टाफजों लोगोसे गासिबो ससियेल डिस्टेन्सिं नेमखांथिखौ फालि नांगोन। फरायसालिनि गारिआ 50 जौखोन्दो केपेसिटियावनो गथ'फोरखौ लानानै थानांगोन। करना भाइरासनि बयनिखुडौ गात्रि गोहोमा गथ'फोरनि सायाव गोल्दों। इन्डेस्कनि बादिब्ला मुलुगआव। कौटिनफ्राय बांसिन हिन्जावफोरा फिन फरायसालियाव थांफिननाया गोब्राब जागोन। सोलौंथाय मावख'नि अन्जिमानि बादिब्ला भारतआव 24 कौटिनफ्राय बांसिन गथ'फोरा फरायसालियाव थाडे। नाथाय बिसोर गासिबो मार्च दाननिफ्रायनो फरायसालि थाडखै। लकेल सार्किल सार्पेनि बादिब्ला, हादतआव 62 जौखोन्दो बिमा- बिफाआ दिनैसिमबो गाव-गावनि गथ'फोरखौ करनाखौ गिनानै फरायसालियाव दैथाय हरनो गोसो जायाखै। बेबादि थासारियाव बै रोखोमनि गाइडलाइनखौ फोसावनायजों बिमा- बिफा आरो गथ'फोरनाव फरायसालिखौ लानानै गोसोनि फोथयनाया बांगोन।

मुलुगनाडै भारतनि भेक्सन जगायना होनायखौ बाख्नायदौ

गोदान दिल्ली, 29 जानुवारी: करना इनफेक्सननि समाव भारतआ न'सुसे लोगोसे माखासे हादतफोरनो प्रियाव भेक्सन हसनानै मदत खालामदौ। बेबादि हाबाफरि मावनायाव मुलुगनाडै भारतखौ बाख्नायनायाव चीनयावो गावनि भेक्सन डिप्लमेसियाव सोलायनो नागिरदौ। भारतनि भेक्सन डिप्लमेसियाव नोजोर होनाचौ चीनआ पाकिस्ताननि अनगायै माखासे गुबुन हादतफोरनो प्रियाव भेक्सन दैथाय हरनो


नागिरदौ। पाकिस्ताननो 5 लाख करना भेक्सन दैथाय हरनो खोथा होनाय चीनआ श्रीलंकाकोबो 3 लाख करना भेक्सनखौ प्रियाव दैथाय हरनो खोथा होदौ। बेजौ लोगोसेनो भारत आरो चीननि गेजेराव भेक्सननि सोलोयारि खान्थिनि बादय लायनाया गोखै जादौ। भारतया गिबियावनो गावनि न'सु हादतफोरनो प्रियाव भेक्सनखौ जगायना होखांबाय। भारतआ मुलुगनाडैनि हादतफोरनो भेक्सनखौ दैथाय हरदौ, जायनि

फिन होनायाव चीनयावो प्रियाव भेक्सन होनायखौ जागायजेदौ। चीननि कम्पानि सिनफमानि बानायनाय करना भेक्सननि गिबि के पखौ श्रीलंकाको फेब्रुवारिनि गेजेर समाव दैथाय हरगोन। श्रीलंकाआ चीनयाव थानानै भेक्सनखौ चीनआ दैथाय हरगोन, बे बाश्राया दासिमबो रोखा जायाखै। बे बाश्राखौ मख'नो गोनाना थार जादौ, मानोना चीनआ पाकिस्ताननो जेक्ला भेक्सनखौ दैथाय हरनो बाश्रा फोसावदौमोन अब्ला बियो पाकिस्तानखौ

बुंदौमोनदि, गावबा गावनि उरं जाहाजखौ लाबोनांगौ आरो बेहायनिफ्राय भेक्सनखौ लानानै थाडो। चीनआ पाकिस्तानखौ गावनि खरसानि सायाव भेक्सन लानानै थानो बाश्रा बुंदौमोन। भारतआ नेपाल बादि फिसा हादतनो 10 लाख भेक्सनखौ दैथाय हरदौ। गुबुन फार्सेथिजाय चीनआ 21 कौटि सुबुंफोर थानाय पाकिस्तानो 5 लाख भेक्सनखौ दैथाय हरदौमोन। भारतनि करना भेक्सनखौ लानानै आधिखालाव मुलुगनाडैनि हादतफोर नोजोर होदौ। भारतनि गुबुनारि हादत मावख'नि बादिक्ला भारतनि भेक्सनखौ गुबुन गुबुन हादतफोरनो मोनो गोसो जादौ।

भारतआव कभिड-19 नि 19 रोजा गोदान केस मोनाय जादौ

गोदान दिल्ली, 29 जानुवारी: हादतनाडै कभिड-19 नि इनफेक्सन जानाय गोदान केसनि अन्जिमाया 19 रोजासिमआव सौहै बाय, जाय थानाय सानफोराव 10 रोजानिफ्राय खम जादौमोन। मिरुनि गाहाम देहा मावख'नि बायदिक्ला भारतआव थानाय 24 घन्टायाव कभिड-19 नि 18,855 गोदान केसखौ मोन्दौ आरो बे समआव गासै 163 सुबुंफोरा थैदौ। बेजौ लोगोसे नो दासिमआव हादतआव गासै इनफेक्सन अन्जिमाया 1 कौटि 7 लाख 20 रोजा 48 जादौ। फार्सेथि दासिमआव हादतआव 1 लाख 54 रोजा 10 इनफेक्सन जानाय




सुबुंफोरा थैबाय। मावख'नि बायदिक्ला शुक्रबारसिमआव हादतआव सांग्राथि केसनि गासै अन्जिमाया आधिखालाव 1 लाख 71 रोजा 686 जादौ आरो गासै देहाया गाहाम जानायनि

उनाव डिस्चार्ज जानाय केसनि अन्जिमाया 1 कौटि 3 लाख 94 रोजा 352 जादौ। आरसिएमआरआ फोरमायदौदि, भारतआव 24 जानुवारी सिमआव करना भाइरासनि थाखाय गासै 19 कौटि 50 लाख 81 रोजा 79 सेम्पल टेस्ट खालामखांबाय, जायनि गेजेराव 7,42,306 सेम्पलखौ थानाय सानआव खालामदौ। मिजरामनि बाश्राखौ बुडोक्ला बेवहाय

थानाय 24 घन्टायाव करना भाइरासनि मोनसे गोदान केसखौ मोनाय जादौ। गासै पजिटिभ केसनि अन्जिमाया आधिखालाव 4,363 जादौ जेराव 41 सांग्राथि केस दड। 4,313 बेरामिफोरा डिस्चार्ज जाखांबाय आरो 9 इनफेक्सन जानाय बेरामिफोरा थैबाय। बे खौरांखौ मिजराम सरकारनि फोरमायथि आरो सुबुं सोमोन्दो लाश्रा बिफाननि फार्से होनाय जादौ। फार्सेथि उत्तर प्रदेशनि गोजौ थाखोनि गाहाय सेक्रेटारि अमित महन प्रसादआ फोरमायदौ। उत्तर प्रदेशआव थानाय 24 घन्टायाव करनानि 251 गोदान केसखौ मोनाय जादौ। फाहामथाय लाखानायनि उनाव 380 सुबुंफोरा डिस्चार्ज जादौ। प्रदेशआव सांग्राथि केसनि अन्जिमाया 6,230 जादौ। इनफेक्सनजौ दासिमआव 8,642 सुबुंफोरा थैबाय।

हादतगिरिनि बिबुंथि होनायजौ बाजेट जथुम्माया जागाय जेनबाय



गोदान दिल्ली, 29 जानुवारी: हादतगिरिनि बिबुंथि होनायजौ लोगोसे संसदनि बाजेट जथुम्माया दिनैनिफ्राय जागाय जेनबाय। हादतगिरि कबिन्दआ गावनि बिबुंथि होनायाव मिरु सरकारनि हाबाफरि मावनायखौ नोगोरि सुबुंफोरनो फोरमायदौ। बे समाव बियो मोनथाम आबाद आयेनखौबो मख'दौ। जायखौ लानानै थानाय नै दाननिफ्राय बांसिन समनिफ्रायनो दिल्लीजौ नांजाबनाय गुबुन गुबुन राइज्योफोरनि सिमनाफोराव आबादारि दैदेनगिरिफोरा सोमावसारदौ। आरो सुबुंतन्त्र

सानयाव आबादारि सोमावसारगिरिफोरा हिंसायारि जाथाय खालामनायखौ हादतगिरिआ गावनि बिबुंथि होनायाव सौंखारिदौ। हादतगिरिआ बिबुंथि होनायाव बुंदौदि, गावनि सरकारा बे बाश्राखौ रोखा खालामनो गोसो जादौदि, मोन्थाम आयेननि गिबियाव जा मोन्थाय आरो सुबिदाफोर दंमोन, बेखौ खम खालामनाय जायाखै। बे गोदान आबाद आयेनखौ सुप्रानायजौ लोगोसे सरकार आ आबादारिफोरनो गोदान सुबिदाफोर आरो मोन्थायखौ

होदौ। हादतनाडैजागाय जेनाय कि सान रेलआ भारतनि आबादारिफोरनो गोदान बाजारखौ जगायना होनायाव गोदान आयदाखौ लिरदौ। दासिमाव गं 100 निफ्राय बांसिन कि सान रेलफोरखौ सालायाखांबाय, जायनि गेजेरजौ 38 रोजा टननिफ्राय बांसिन मायरं, फिथाय सामथाय आरो मैंग-थाइंगफोरखौ मोनसे ओन्सोलनिफ्राय गुबुन ओन्सोलसिम आबादारिफोरनि गेजेरजौ दैथाय हरनाय जादौ। हादतगिरि कबिन्दआ सुबुंतन्त्र सानयाव आबादारिफोरनि ट्रेक्टर पेरेडनि समाव लालकिल्लायाव हिंसायारि जाथाय जानायखौ मख'नानै बुंदौदि थानाय सानयाव फिफरिला आरो सुबुंतन्त्र सान बादि गोथार सानखौ अपमान खालामनाया दुखु नांथाव। जाय संबिजितया जौनो सुबुंथिनि उदांसिनि मोन्थाय होयो, बे संबिजितयानो जौखौ आयेन आरो नेमखांथिखौ गोथौयै फालिनो फोरोडे।

माखासे राइज्योफोराव पेट्रल-डिजेलनि बेसेना बाडाय जादौ



गोदान दिल्ली, 29 जानुवारी: राजस्थान सरकारआ पेट्रल आरो डिजेलआव जानो गोनां बेटनि बिबांआव 2 जौखोन्दोखौ खम खालामदौ। सरकारनि फार्से बृहस्पतिवारआव बे बिथोनखौ फोसावदौ। बे बिथोनआ सान-हर 12 रिंगानिफ्राय गोहोम गोनां जादौ। बे बिथोननि उनाव राइज्योनि नोगोरारिफोरा डिजेल आरो पेट्रलनि बेसेनआव एसे रेहायखौ मोन्दौ। बेटआव दावखलायनायनि उनाव पेट्रलआ 1 रं 35 फेसा आरो डिजेलआ 1 रं 32 फेसा खम जादौ।

जयपुरआव पेट्रलनि बेसेना 92 रं 51 फेसा आरो डिजेलनि बेसेना 84 रं 62 फेसा लिटार जादौ। राज्योआव पेट्रलआव 36 लिटार जादौ। राइज्योआव पेट्रलआव 36 जौखोन्दो आरो डिजेलआव 26 जौखोन्दो बेट लानाय जागोन। सिगाडाव मोनैयावबो 38 जौखोन्दो आरो 28 जौखोन्दो बेट लानाय जायोमोन। मोनथिनाय बायदिक्ला राजस्थानआव पेट्रल डिजेलआव हादतआव बयनिखुइबो बांसिन बेट लानाय जायो। राजस्थाननि

श्रीगंगानगरआव समबारआव पेट्रलआव 100 रंनिफ्राय बांसिन जादौ, जेराव प्रिमियम पेट्रलखौ लिटारफोम्बो 101.54 रंआव जादौ। जेराव सरासन्धा पेट्रलखौ लिटारफ्रामबो 97.60 रंआव फान्दौ। करनानि समाव टेक्सखौ बुधुमनो थाखाय राजस्थान सरकारआ पेट्रल आरो डिजेलआव 10 जौखोन्दो उफ्रा बेटखौ लागायदौ। रेजिडेन्ट पेट्रल डिजेल एक्ससियेसननि आफादगिरि सुनिल बगाइआ थानाय सानआव राजस्थान सरकारनाव बेटखौ खम खालामनो दाबि दैखांदौमोन। बेनि अनगायै बारग' गिबि मन्थि बसुन्धरा राजेयावो सरकारनाव बेटखौ खम खालामनो आर'ज गाबदौमोन। फोरमायनाय बायदिक्ला सानफोमबो फुनि 6 रिंगायाव पेट्रल आरो डिजेलनि बेसेनआव सोलायनाय जायो। सोलायनाय बेसेनआ फुनि 6 रिंगानिफ्राय जायो।

लालु यादबनि जामिननि सायाव हाइकर्टयाव दिनै हेयारि होगोन



गोदान दिल्ली, 29 जानुवारी: राजदनि सुप्रिम' लालु यादबनि दुमका ट्रेजारिनिफ्राय आयेननि बेरेखा रं दिहुनायनि केसयाव जामिन आर'ज गाबनायनि सायाव 29 जानुवारीयाव हाइकर्टयाव हेयारि होगोन। बे केसयाव लालु यादबखौ सिबिआइ कर्टआ 7 होसोर साजा होदौ। साजा मोनाया खावसे बोसोर जानायनि उनाव लालु प्रसादआ हाइकर्टयाव जामिननि आर'ज गाबदौ। जुदि शुक्रबाराव लालुया जामिन मोनब्ला बियो जेलनिफ्राय बायजोयाव फैगोन। लालु यादबनि हेथायै गेना खांथिनि मोन 5 केसआ सोलिगासिनो दं। मोनब्रै केसयाव बियो साजा मोन्दौ। मोनथाम केस केसयाव बियो गिबियावनो जामिन मोनखांबाय। मोनसे केसखौ दासिमबो सिबिआइ कर्टयाव हेयारि होगासिनो दं। लालुनिफ्राय जामिननि आर'ज गाबनायाव बुंदौदि, जेलाव बियो 42 दान 28 साननि समखौ फुरा खालामबाय। बेजौ सोमोन्दोयाव बियो बिथारिख लाइखौबो हाइकर्टयावबो दिन्थिखांबाय। जेराव सिबिआइया बेखौ हेथा होखांबाय। सिबिआइनि बादिक्ला लालु यादबआ साजा मोननायनि खावसे समखौ दासिमबो आवुं खालामाखै। बेनि जाहोनाव बियो जामिन मोनो हाया।

ONE TIME GRANT FOR MEDIA PERSONALITY: 2020-21

Journalists of the State selected for awarding One Time Grant to Media Personality by the Directorate of Information & Public Relations, Assam

Sl. No.	Names of Beneficiaries	Media House	Address
1	Ananta Narayan Borahakur	Dainik Janambhumi	Jorhat
2	Anup Biswas	The Assam Tribune	Hailong, Dima Hasao
3	Arup Ranjan Barman	Niyamiya Barta	Nalbari
4	Augustine Teron	The Hills Times	Diphu, Karbi Anglong
5	Bapan Chandra Sarma	Niyamiya Barta	Tangla, Udalguri
6	Bidyut Kalita	Asomiya Pratidin	Guwahati
7	Bipul Barman	NEWS 18 ASSAM, NE	Guwahati
8	Bipul Saikia	Dainik Asom	Majuli
9	Champak Baishya	Amar Asom	Nalbari
10	Dalim Phukan	The Assam Tribune	Morigaon
11	Debajit Hazarika	Asomiya Pratidin	Bebeja, Nagaon
12	Dibakar Saikia	Dainik Janambhumi	Majuli
13	Dipak Kumar Sarmah	Asomiya Pratidin	Chaparmukh, Nagaon
14	Jayanta Kumar Das	DY 365	Guwahati
15	Jiten Borkataki	Asomiya Khabar	Nagaon
16	Nayan Pratim Kumar	Pratidin Time	Guwahati
17	Pulen Kumar Das	Asomiya Pratidin	Sorbhog, Barpeta
18	Sailen Kumar Saikia	Amar Asom	Nagaon
19	Sanjay Chakraborty	NDTV	Guwahati
20	Utpal Deka	Dainik Asom	Tamulpur, Baksa

JANASANYOG/D/10384/20

Follow us @diprassam https://dipr.assam.gov.in/

Directorate of Information and Public Relations, Assam

MEDIA FELLOWSHIP: 2020-21

Journalists of the State selected for awarding Media Fellowship by the Directorate of Information & Public Relations, Assam

Sl. No.	Names of Media Person	Media House	Address
1	Amarendra Deka	Pratidin Time	Guwahati
2	Bivash Bardhan	Nababarta Prasanga	Karimganj
3	Chandan Jyoti Borah	Dainik Asom	Nagaon
4	Chandan Sharma	Freelancer	Guwahati
5	Chinmoy Sharma	Amar Asom	Tinsukia
6	Diganta Saharia	Prag News	Guwahati
7	Dip Kumar Kalita	The Sentinel	Tezpur
8	Jonjyoti Dutta Bora	Prag News	Guwahati
9	Khanindra Nath Deka	Dainik Asom	Guwahati
10	Kangkana Goswami	NE News	Guwahati
11	Lakshyajit Gohain	Pratidin Time	Guwahati
12	Manash Pratim Dutta	The Assam Tribune	Guwahati
13	Mitali Konwar	Pratidin Time	Guwahati
14	Pankaj Saikia	Pratidin Time	Guwahati
15	Prashtuti Gogoi	Prag News	Guwahati
16	Pritirekha Bhuyan	Freelancer	Guwahati
17	Ritul Bhagabati	News 18 Assam NE	Guwahati
18	Ruplee Borah	NE News	Guwahati

JANASANYOG/D/10360/20

Follow us @diprassam https://dipr.assam.gov.in/

Directorate of Information and Public Relations, Assam

बड'सानि आर'ज

बड'साया आनि नोथानि आरो बयनिबो। सानसेयारि 'बड'सा' खौरांलाइआ बयनिबो अन्नाय आरो अनसायनायजौ ओंखारगासिनो दड'आरो ओंखारलांबाय थागोन। बर'नि राव, हारिपु, थुनलाइ, राजखांथि, समाजखांथि आरो बाइदि बिथिडे खहाबगोन लिबिदौजौ लोगोसेयैने सोलिफु जाथायनि दुबुत खौरां मिथिनोब्ला सानसेयारि 'बड'सा' खौरांलाइखौ बाय आरो फराय, बड'साखौ नोथानि अराय आंगो लोगो खालाम। सुबु अफाद सावसेयारि बड'सा खौरांलाइ माइबां नौगोर, जे.डि.रु.ड, बिदिदि

Advertisement for Selection of Block Resource Person (BRP) -Phase-II under Samagra Shiksha, Assam

No.SSA/TT/BRP Matters/196/2019/4138 Date:29.01.2021
Offline applications/written applications are invited by Samagra Shiksha, Assam from the intending regular working Asstt. Teachers of Government/Provincialised Elementary School / High School of the concerned district or Contractual Asstt. Teachers of Government/Provincialised Elementary School engaged under Samagra Shiksha, Assam of the concerned district for recruitment as BRP against the vacant posts. Details are uploaded at official website of Samagra Shiksha, Assam: www.ssa.assam.gov.in. Interested persons may visit the official website and download the advertisement. The last date of submission of application in respective District Mission Office of Samagra Shiksha is 07-02-2021.

Sd/-Executive Director, Samagra Shiksha, Assam Kahlipara, Guwahati-19
JANASANYOG/DF/1991/20

गोजा गलाब बिबार

फालगुन दाननि जावलिआ बाराव । सानस'नो हायै लाइमोन बैसोआव गुवार गोसोनि अन्नाय लानानै मोजां मोन्दोमोन रजे आं नोंखौं जेब्ला । अब्ला, नों आंनि बायराव देरानि लांगोनायाव बारदोमोन सान्नेसोनि गोजा गलाब बिबार । दिनै बै गोजा गलाब बिबारा बहा ?... ? नाथाय , नोंदि बै सिखिफोरनि गेजेरावसो बारहैनानै दं । आंनि बेसेबा गोजानावसो. । नों, मोदोम जायाखैथ', सिखिफोरजों बिदै सोबजानो । बिबिदिनो, र'जे नोंखौं आं हास्थायदोमोन मोकथांआव । नाथाय नोंदि बावगारलांबाय अब्लाबो आं नोंखौं गोबोंजों मोजां मोन्दोमोन... जाफुं होनो थाखै..... नाथाय सानाखैमोन नों र'जे आंनि अन्नायखौं सैथो गोथार होन्ना । जाउनाव जानांबाय आं दिनै लोगो गोमाजानाय दाउसा माडरिया बिदिब्ला र'जे बुं बै समनि अन्नाया बेसेन गैयामोन नामा । जानो हागौं आंदि गोरोन्थि खालामबाय बिनि थाखाय नों आंखौं नेवसिगारनो हागौं । नाथाय, नोंबो इसेबां गिदिर समाय लानायखौं गियाखैसै । ना नों समायखौं फिसा होन्नानै सासनबाय नामा । ना फालगुन दाननि थिं थिं सादुं दुंनयाव रानज्रिलानो हम्बाय नामा बै गोजा गुलाब बिबारा ।

बेनिजन बरगयारी

गथ 'फोरनि सल'

बोसोरफ्रोमबो भारत हादतनि दाब-दाब जायगाफ्राव आलासि महरै दावबाय फे नाय साइबेरियान दावब'आ बे समावनो भारतयाव दफैसै । गमामा नोंथाड माब्लाबाफोर साइबेरियान क्रेन (दावब')खौं नुबाय ना ? थारैनो नुबायबो जानो हागौं । बिसोरनि माखासे गुबै खौरां, जानाय-थानाय आरो आखल-आखुखौं नायानै बे दावब'फोरखौं मोनथाम बाहागोयाव रानो हायो । बेनिनो भारतीय जोलैखौं इंपलीज मुडै मिबथिनाय जायो । बिसोरनि गोदोना आरो आथिड गोलाव गोलाव,गाबआ एबा गाडा गुफुर । बिसोरो 6 फुट सिम गोजौ जायो आरो 6,000 निफ्राय 7800 ग्रामसिम गिलिद लितथायनि जायो । बिसोरो सिड-सिड बारनाय गोखों बारावबो गोखे खारथायजों बिरलानो हायो, बेखायनो गोमोथाव रोखोमनिबो बे दावब'आ । अष्ट्रेलियानि दावब'आ जोबोद समायना । फेरंच दावब'खौं ग्रयु ब्लेन्स आरो स्पेनिस दावब'खौं प्रयुल्ला ब्लेका बुंनयाय जायो । दावब'फ्रा गुबैयै थैनाय जिब-जुनातनि सह, एम्फौ-एनला, ना-एम्बु नागिरनानै जायो । ना-एम्बुयानो बिसोरनि आंगो आदार ।

दावब'फोरनि थारा जायगा:-
बाइदि रोखोमनि बे दावब'फोरखौं भारतनि सा आरो गेजेर बाहागो, पाकिस्तान, म्यान्मार, कम्बोदिया, लाउच, भियेटनाम आरो सा-अष्ट्रेलियानि दाब-दाब जायगायाव मोनुंनयाय जायो । नाथाय फिलिपाइन्सआव

बेनि सानखोया बाडाय जाबोने लादोंसै आरो इयुनाव जोबलानायनिबो मिजिं दंसै । जौनि भारत हादतयावबो दावब'नि बिबाड दासान्दि 8-

गोख्रैसिन खारनो हाग्रा दाव



10 रोजानि गेजेरावल' दंसै । बाडाय जाबोनायनि जाहोनखो रानमाव बोथोरनि थाखायनो होन्नानै बुंनयाय जादों । गुबैयै दावब'फ्रा दैब्र' जायगायावसो थानो मोजां मोनो । बुथारनानै बे दर जानाय, महामारि गोसारदलानानै थैनायफ्राबो दावब'नि सानखो बाडाय जानायनि गुबै जाहोन । भारतनि भरतपुर बाई सेंकसुरी आरो कर्बेट नेसेनेल पार्कआव दावब'जों

रंजालि गथ' फोरनि सौरा

आंनो नांगौं निहिर सिनाय बार

मन आं उन्दुसोमानैसो दडमोन आंनि गुरै एमआव थार्ला निजोमै- हारसिडे

बाइजोनि बायदि रोखोम खौरां उदां-दुफां, दैज्जां-मेसेनि बाखो-बाखो खौरां थार्ला आं मिबथिफेरामोन ।

जौमोननि बार बारदों, आंखौं बिलरलांदों... बबेबा इन्जुर ख'नाजों हाबबोनानै आंखौं बेयो फोजाफैदों... बिदिन्थानि बायदि खौरांखौं आं मोन्दों

आंनि मेगन-गोसो-मेलेम मोसेबनो जिगयनो बादों दा आं नायजोवथारनो हास्थायदों बाइजोनि बायदि रोखोम मिथिगानि सावगारि

निहिर सिनाय बारव सोलेंदों आं रोजाबनो मेथाइ लिरनो खन्थाइ

आंनो गोथार बार नांगौं निहिर सिनाय बार....!

नोंनि सायाव फोथायो

नाजागासिनो आं मिथिस'थाखै नों, खुगानिफ्राय आंखारनाय रावा गोंबोनिफ्राय थिन्नायाव बेरखांदों । नोंनि गोसो मोखानि दाहाजों बावगोमानाय दुखुखौं आवग्रिनो आरो सोरखौं, हानायखिनि होबाय अन्नाय गोनांथिबो फेबाय । गोनांथि गैयाब्ला मोदैखौं आं माब्रैथो सिनायखो अनु समायआ फेलें थाड, बेरखां होगोन सानैजों । हामा सुरहाब सुरहाब थांखियाव रुखु-रुखु दागावसै दागो गैयै गोंबोयाव दालेंहर बारहुंखा, आंनि देरसिमबो सोरखिबोगोन गावम्रागोन दुम दाखाल । आंनि आंथिखौं गसंहो थार गोसोजों मोखांयाव मिनिखैरो लाबो जेब्लाबो दंखायो नोंजोंनो ।

मुसि सजिब नाज्जारी
गामि- काउरादुमनि(दतमा)
जिल्ला- कक्राझार बि.टि.आर
ला:सो- दतमा

“आंनि सिमां”

सिमां नों सिमां साया माया सिमां खोमसि हराव मानो फेयो नों ? सोरां फेबोला मानोथो- लाजिनानै थांफिनो नों ? आं उन्दुब्ला दसेनि समाव जाखां फेयो नों..... होंगो-दोंगो गिलुं-गिलुं ? नाथाय सिरि मोनब्ला आंखौंसो- खालामो नों उलुं-गुजुं; मिथि खानाय खायसो सानना लायो- “आंनि सिमां”

बुंस हायै बाथ्राखौंबो अनजुलिनी- नों माब्लाबानो फोरमाय हैबाय । आरो लोगोसे नों अनजुलिनि मिनिस्तु- महर मुश्री खौंबो लाबोना होफेबावयो; आं आरो नों सिमांखौं मा होन्ना- फोरमाय बावनो; नों सिमांनिखुड आं देर सिन जानो- हाया; नों जेखौं फोरमायदों आं बेखौनो- गनायना लानांगौ जायो; नाथाय गनायआवा जायो आंहासो- आफोद आरो खैफोद; मा इसि गोमो थावनों- “आंनि सिमां”

गुदि गैया थुंगि गैया जाहोयो- गावहा हं.....हं; नाथाय फिथाय आवा खालामो- अहं ; फोरमाय जानाय मोनब्ला फोरमायगोमोन- आंलाय; लिरनं आमोन आंलाय- खन्थाइ रायथाइ- फोरमायथि बिलाइ- नालाइ आमोन आंनोलाइ- खौरां बिलाइ ; आय' नों मा इसे गोमोथाव “आंनि सिमां”

मुसि जायखलं गौरा ब्रह्म

बीरबलनि सल'बाथा मुसि देवबार रामसियारी

सानसेखालि सम्राट आकबरआ बीरबलखौं बुंबाय- 'बीरबल ! सुबुं फोथायथि दं- 'गोबां मुनि गोबां मट ।' नाथाय आं बे फोथायथिखौं सैथो होनना साना । नों बेनि सोमोन्दै मा बुडें ?

सम्राटनि खोथाखौं खोनानानै बीरबलआ बुंबाय- 'महाराजा ! आरो मोनसे सुबुं फोथायदि दं- 'गोबां गियानिनि साननाया समान रोखोमनि जायो जुदि गेदेर सार्थ थायोब्ला ।' बे खोथाखौं मानियो ना मानिया ?

सम्राटआ बुंबाय- 'फोरमान होनो हायोब्ला थारैनो गनायना लागोन । फोरमान होनो हागोन जानो ?'

समाव थारैनो फोरमान होनो हागोन । नोंथाड साननैसो नेनो नांगोन होनना बुंनानै बै सानखालि बेखिनियावनो फोजोबो । साननैनि उनाव बीरबलआ सम्राटखौं बुंबाय- 'महाराजा ! रजथावनिनि जानगाव गंसे गामि दं । बै गामियाव दैन आंखाल । मानसिफेर दैन थाखाय जोबोर दुबु जानदों । नोंथाड बिथोन होयोब्ला बैयाव खरसे गेदेर हाख'र जावहोनो हायो । लोगोसे बै गामिनि गोरिब मानसिफोरा गोलैयैनो गायखेर मोननो हायो बेनि थाखायबो राहा खालामनो नागिरदों ।'

सम्राटआ मोजां खामानि मावनो गोलैयैनो बिथोन होयो । फेरजानि मोजां जाब्लासो सम्राटनि मोजां जागोन, बेयो बिथानि साननाय । बियो हरखाबनो गनायथि होना बुंबाय- 'फुखि जावनो जेसेबां मानसि नांगोन आरो बिसोरनि मजुरि जेसेबां जागोन नों रंगिरिनिप्रय लाना थां । थाबेनो

गायखेरनि फुखि

खामानिखौं मावफु । आंनि फेरजानि दुखु जायोब्ला आं जेब्लाबो गोजोन मोना ।'

बै खाबुआवनो बीरबलआ बुंबाय- 'महाराजा ! बिथोन बाखनायथाव । लोगोसे नोंथाड गासै दिल्ली नोगोराव बिथोन हो- जाहाथे गोदाने जावनाय फुखियाव नफ्रेमबोनि मानसिया लथासे गायखेर लुहैयो । आंनि गोसो, फुखिया दैन गायखेरनि जाथों । होमब्लासो गांनायाव गायखेर लोनाने गांगा होनाय लोगोसे मानसिनि देहायाबो मोजां जागोन ।' बीरबलनि खोथा बादियै सम्राटआ बिथोन होबायदि- दिल्लीनि गासै मानसिया गोदाने जावनाय फुखियाव लथासेयै गायखेर लुहै नांगौं । सोरखा बै बिथोनखौं फलियाब्ला साजा होनाय जागोन । सम्राटनि बै बिथोनखौं गासै जायगायाव धल बुनानै फोसावबाय । सान-हर खामानि मावनानै बाजौ मानसिया जि सानाव फुखिखौं जावना दिहुनबाय । सानैसोनि उनाव बीरबलआ सम्राटनि लोगोसे बै फुखिखौं नाइनो थांबाय । सम्राटआ सान्दोंमोन फुखिया गायखेरजों बुंसावनानै दं । मानोना गासै फेरजाया बिनि बिथोन बादियै खामानि मावदों । नाथाय फुखिनि रुं मोनना गोमोबाय । गाइखेरनि जेबो सिनानो गैया, फुखिया दैजोंसो बुंसावना दं । होमब्ला बीरबलआ बुंबाय- 'महाराजा ! जों सानैबो महर सोलायनानै न'-न' थाडोब्ला गुबै जाहोनखौं मिथिनो हागोन ।' बीरबलनि खोथा

बादियै सम्राटआ सासे फुखिनि महर आरो बीरबलआ बिनि लोगोनि महर लाबाय । सानैबो गिवियाव सासे धोनि मानसिनि नख'राव थाना मानसिखौं बुंबाय- 'नंथां ! सम्राटआ मोनसे गोदाने फुखि जावना बैयाव नफ्रेमबोनि मानसिखौं लथासेहै गायखेर लुहैनो बिथोन होदोंमोन । बेयो जाथावना ? सम्राटआ आदुवा वादि बिदि बिथोन मानो होखो मिथिया । बेनि सोमोन्दै नोंथांनि मटआ मा मिथिनो हागोनद ?'

न' बिगोमाया बुंबाय- 'सम्राटआ बिदि जाथावै बिथोन होनाया गोरोन्थि जादों । गायखेरजों जेब्लाबो बुंसाव होनो हाया ।' महर सोलायनाय सम्राटआ सांबाय- 'नोंथाड होमब्ला मा खालामखो ? फुखियाव गायखेर लुहैदों ना लुवाखें ?' न' बिगोमाया बुंबाय- 'आं मा खालामनो, सम्राटनि बिथोन मानियाब्लाबो साजाखौं गिनानै गायखेरनि सोलाय लथासे दैखोनो फुखियाव लुनानै फैदों ।'

बिनि खोथाखौं खोनानायनि उनाव सम्राट आरो बीरबलआ सासे गेजेर थाखोनि धोनि मानसिनि नख'रनि बिगोमाखौं लोगो हम्बाय । बिसोर न' बिगोमाखौं बुंबाय- 'जों सम्राटखौं गिनानै बेसिम फैदों, नोंथाड जोंखौं रैखा खालाम । सम्राटनि गोदाने जावनाय फुखियाव गायखेर लुनो बुंदोंमोन नाथाय जों सानैबो देसो लुना फैदों । सम्राटआ मिथिब्ला जोंखौं साजा होआ ना ?'

न' बिगोमाया बुंबाय- 'एसेबां गिनानै गिनो जेबो खोथा गैया, आंबो गायखेरनि सोलाय

बुनो हाया, बेखायनो गोखे जायो । बिरनाय समाव गांखं फारनैखौं गोजौ-गाहाय खालामनानैबो खारथायखौं गोखे खालामो । गोजौयाव बिरखोनाय समावबो गोदोना फोलावनानै बारनि नारथायखौं दाननै बिरनो हागौं । गोजां बोथोरनि गुसु बारहावया सोलायनाय लोगो लोगो साइबेरियान दावब'फ्रा बोसोरफ्रोमबो राजस्ताननि भरतपुर बाई सेंकसुरीयाव फैयो ।

जीउनि थांखि

नोंनि गोसोखौं सुफुं जेरावबो सैथोयै, जेरावबो गोमो आखलजों, जेरावबो मोजां आरो सैथोजों, जेरावबो अन्नाय आरो मानहोनानै, आरो जेरावबो सान्नो हानाय गोहो एबा सोलो मोन्नायजों । मावबाय था गासैबो मुवाखौंनो नों सोलें आरो सानबाय था खोनानाय आरो नुनायफोरखौं । अब्ला इशोरआ गोजोनागोन नोंजों लोगोसे ।

मुसि बिरखां कुमार ब्रह्म

कक्राझार, शनिबार ३० जानुवारी , २०२१

(१ बिलाइनिफ्राय)

सानसेयाव्नो १ लाखनिखुइवो बांसिन थागिबि नख 'रफोर्नो सरकारनि हा पात्ता होनाय हाबाफारिखौ बारग 'बिसायख 'थि कमिसनार हरिशंकर ब्रह्मआ बाखायदों

बाख्यानयजों लोगोसे गिबि मन्श्रिखौ बेबादि गोखों हाबाफारि लानायनि थाखाय साबायख 'र जासियो । बारग' बिसायख 'थि कमिसनारआ बेबादि हाबाफारि लानायजों थागिबि सुबुंफोरनि हानि सायाव थानाय मोन्थायखौ मोनफुंहोनायाव जर'खा हेफाजाब होगोन होन्नाने बुझे। बारग' बिसायख'थि कमिसनारआ बे लाइजामनि गेजेरजों रइज्यो सरकारखौ हानि अनगायैवो गुबुन माखासे मावथांखि लानो थाखायवो फोसावो । मख 'नो गोनोदि, थानाय २३ जानुवारीखालि रइज्यो सरकारआ हादरनि गाहाय मन्श्रिनि नुजाथिनायाव जारिमिनारि जेरेइ फोथाराव १.०६ लाख थागिबि नख 'रफोर्नो हानि पात्ता आरो गनायथि बिलाइखौ गथायनानै होदों । हारि, हा, हारिसु रैखाथिनि मोनफ्रोम बिथिइवन्नो नोजोर होनानै खुंथायाव थानाय आथिखालनि रइज्यो सरकारआ थानाय ४ खावसे बोसोरनि मावबिबानआव रइज्योनि ३ लाख ३४ रोजानिखुइवो बांसिन थागिबि नख 'रफोर्नो हा पात्ता रनानै होनाय गेदेर हाबाफारिखौ लानाय जादों □

आइन बेरेखायै मोसौ-मैसोनि फालांगि खालामनो फैनाय सुबुंनि हेंथायै पुलिसया गोखों संदान्दों

सिमलतापु पुलिसआ संदान्नानै दिनें थानाय सोरांसि समाव इउपि-२३ टि-३७९५ नम्बरनि गंसे ट्राकखौ जब्द खालामनो हानायनि अनगायैवो गुबुन रइज्योनिफ्राय लाबोनाय मा १३ जौगाखां रोखोमनि मोसौफोरखौ जब्द खालामो । बे मोसौ फालांगि खालामनाय जाथायजों लोब्बा थानाय गरि सालायगिरि आरो लोगो सालायगिरिफोर उतर प्रदेशनि दिलसाब आली आरो सादाकान आलीखौ हमनाय जाये । नाथाय नाजिर आली मुंनि गुबुन सासे सुबुइ खारखोमानो हाये । गुबुन फाफोर्सैथि थानाय हसनि समावन्नो सिमलतापु पुलिसआ मोनसे जर 'हेा सुसुंखौ मोन्नानै आसाम-बंग सिमना बारबोनाय एबा रइज्योआव हाबफैनाय इउपि-२३ टि-९६०२ नम्बरनि गुबुन गंसे ट्राकखौवो पुलिसआ जब्द खालामनो हानायनि अनगायैवो ट्राकआव गुबुन रइज्योनिफ्राय फालांगि महराव लाबोनाय मा ११ मोसौफोरखौ जब्द खालामो । बे जाथायजों लोब्बा थानाय साथाम सुबुंफोरखौ पुलिसआ हमनो हाये । हेमजानाय सुबुंफोर्नि मुइ फारियै उतर प्रदेशनि ताजिम सौकत, महम्मद आनसुमान आली आरो जाकीर आली होन्नानै मिबबिथनाय जादों । बेनि अनगायैवो पुलिसनि सुलुंखौ मिबबिथनानै हरनि समावन्नो थाबायहोनानै आसामाव हाबफैनाय मा १० मैसोफोरखौ जब्द खालामनो हाबाबदों आरो बे जाथायाव लोब्बा थानाय सुबुइ खोमसिनि खाबुखौ लानाने खारखोमानो हाये । दान्दान्दि जब्द खालामनाय मोसौ-मैसोफोरखौ सिमलतापुनि कटआव लाखिनाय जादों । बेनि सोमोन्दै सिमलतापु पुलिस बादानि बिबानगिरिआ मिबबिथहोनाय बादिब्ला, आसाम-बंग सिमानि गेजेरजों सोलिबाबआव लानाय सुरां मोसौ-मैसोनि फालांगिनि हेंथायै पुलिसनि आइजिपि आरो पुलिस बिबानगिरिनिफ्राय गोखों बिथोनखौ मोन्नो हानायनि उनाव्नो संदान्नायखौ गोखोंसिन खालामनाय जादों आरो थाबैन्नो गुबुन रइज्योनिफ्राय आइन बेरेखायै मोसौ-मैसो लाबोनाय फालांगिआ बन्द जगोन होन्नानै मिबबिथहोये ।□

१५ थि एसएसबिआ साखोन-सिखोन हाबाफारि आरो सेनिटेसननि बेसादफोर रन्नानै होदों

माखासे फाहामगिरिफोरबो बेाहागो लादोंमोन । बे हाबाफारियावन्नो २ नं बिष्णुपुर गामिनि गामि दैदेनगिरि बादल चन्द्र, ९ नं बिष्णुपुर गामिनि दैदेनगिरि जगेन्द्र राय, देलाइझार गुदि फरायसालिनि गाहाय फोरोंगिरि दने बसुमतारि, गाहाय फोरोंगिरि रतिकान्त दास आरो गुबुन गुबुन फरायसालिनि गाहाय फोरोंगिरिफोरबो बाहागो लादोंमोन । बे हाबाफारिनि गेजेरजों सिमना ओन्सोलवा थानाय गं ६ फरायसालिफोरबो हाइर, वाटर फिल्टर, स्प्रे मैसिन, हार्किफ, फेनाल, डेटल, हेन्डव्वाश, हासिब आरो मास्कफोरखौ रन्नानै होये । हाबाफारिआव कमान्डन्ट दुर्गा बाहादुर सनारआ गार्वनि बिबुंथियाव बुझेदि, एसएसबि हान्ज्या सिमना ओन्सोलाव थानाय सुबुंफोरखौ रैखाथि होनायजों लोगोसे बिसोरखौ गोनांथि जानाय बेसादफोरनि फार्सें हेफाजाब होनाय एसएसबिनि गाहाय थांखि आरो बेबादि हाबाफारिखौ फैनाय थानाय सानफोरवबो खुंलांबाय थागोन होन्नानै बाश्रा होये । सांग्राथि हाबाफारिजों लोब्बा लाखिनायें खुंनाय सुबुं आरो जिब-जुनात फाहामथाय बादानि हाबाफारियावन्नो साखाथि ओन्सोलनि मोन ६ गामिनि सा १२० होव-हिन्ज्वाव, गथ 'फोर फाहामथाय लानायजुनां लोगोसे मा १२९८ जिब-जुनातफोरखौवो आन्जाद खालामनायनि उनाव गोनांथि जानाय मुलिफोरखौ रन्नानै होये ।□

३० जानुवारीआव मुंख्लं सान फालिगोन

सोमावसप्तमायखौ लाखिथ 'नो फोसावनायजों लोगोसे हादर उदांस्रिनि थाखाय सोमावसप्तमाय जिउ बाउसोमनाय मुंख्रंफोरनि जिउ सोलेरखौ गोसोखांथिनानै २ मिनिट सिरियै थानो फोसावनायबो जादों । गाबोननि सानखौ नख 'र बिफानआ गासैबो सोलोंथाय फसंथान आरो पाब्लिक सेक्टरआवबो फालिनो थाखाय फोसावदों ।□

सिबसागरनि सुकाफा देहा फाहामसालिनि माल्टि चार्जारि माइक्र 'स्कपखौ सुबुंफोरनो सिबिथाय होनो थाखाय गिबि मन्श्रिआ बेखेवबाय

खालामग्रा माइक्र 'स्कपखौ देहा फाहामसालिआव थिसन्नो होनायनि थाखाय देहा फाहामसालिनि बिबानगिफोरनिसिम साबायखर जासियो । बिथाइ लोगोसेयै बुंबावोदि, बे देहा फाहामसालिखौ खोला-सान्जा एसियानि गंसे जौगाखां देहा फाहामसालि हिसाबै खालामनायनि थाखाय नाजानो बिबानगिरिखौ फोसावो । गिबि मन्श्रिआ लोगोसेयै फाहामसालिनि फाहामथाय होनाय आबहावखौ गोगोयै खालामनो फोसावो । स्वर्गदेव सुखाफानि जिउमानि सायाव सिबिनाय जासिनानै गिबि मन्श्रिआ बुझेदि, सुखाफाया आसामाव फैनानै आहमनि रइज्यो खुंनानै ६०० बोसोर सर्पनि सनाथि जारिमिनआव रइज्योनि सुबुंफोरखौ बिदा-फंबाय अनलायनाय महराव खौसेथि खालामदोंमोन । गिबि मन्श्रिआ देहा फाहामसालिआव सुखाफानि मोनसे मुसुखा फसंनो थासैयै फाहामसालिनि बिबानगिरिखौ फोसावो । रइज्योनि फाहामगिरि खोन्देखौ जौगाखां होनो थाखाय रइज्यो सरकारआ आजवावनानै लानाय गुबुन गुबुन राहाफोरनि बाश्राखौ रायखॉनानै गिबि मन्श्रिआ बुझेदि, आथिखालनि रइज्यो सरकारआ थानाय ब्रे खावसे बोसोरनि खुंथाय समाव रइज्योआव गं ८ मेडिकेल कलेज, गं १८ केन्सार् देहा फाहामसालि, गुवाहाटीआव एम्स आरो गोबां नासि देहा फाहामसालि फसंनो हादों । बिथाइ लोगोसे बुंबावोदि, देहा फसंथानफोरखौ गायसन्नायनि गेजेरजों जौंनि सुबुंफोर जाहाथै देहा सिबिथायनि खाबुखौ गोलेँयै मोन्नो हाये बेनि फार्सेबो सरकारआ रहा लादों । गिबि मन्श्रिआ अर्पनजिसिखौ बेबादि सिबिथाय होनायनि रहा लानो थाखाय साबायखर जासिनानै रइज्योनि सुबुंफोरा मुलाम्फा जानो हानायबादि आरोबाव दासनि सुबुं अन्सायनाय खामानिफोरखौ लानो फोसावो । गिबि मन्श्रिआ देहा फाहामसालिनि दासान्दि लुफुनाय भवनखौबो नायगिदिनाय जाये । सुखाफा देहा फाहामसालिनि गाहाय मावफु बिबानगिरि ७ प्रकाश कुलनुरकारआ बराय बिबुंथि लाखिनाय दिनेंनै बे हाबाफारिआव एम्पि तपन कुमार गंगे, एम्एलए कुशल दुवरी, अर्पनजिसिनि मावफु सामलायगिरि पुनि्त सुरी आरो गोबां मानिजाथाव सुबुंफोरबो बेाहागो लादोंमोन ।□

चिरांनि खैला-मैलायाव सरकारि मडेल फरायसालिमानि अन्थाय खाम्फा गायसन्दों

खौरंगिरिनि सिगाइव मन्श्रि शर्माया बुझेदि, खैला-मैलानि लन्तिबारि गामियाव गोदान सरकारि मडेल फरायसालिमा गायसन्नायनि अनगायैबो बाक्सा जिल्लानि तामुलपुरआवबो मडेल फरायसालिमानि खामानिआ जागायसिगोन । फैगौ माखासे साननि गेजेरवन्नो उदारगुरि जिल्लयायवबो मडेल फरायसालिमा गायसन्नाय हाबाफारिआ जागायजेनगोन होन्नानै फोरमायथियो । अन्थाय खाम्फा गायसन्नाय हाबाफारियाव बाहागो लानानै बिटिआरि गाहाय प्रमद बर'आ बुझेदि , गायसन्नाय लानाय बे सरकारि फरायसालिमानि मुंखौ निसिमा मडेल कलेज होन्नानै फोसावयो । बिथाइ बुंबावयोदि-सा फार्से थानाय खैला-मैलायाव बे रोखोम जौगाखां सोलोंथाय फसंथान मोनफुंगोन होन्नानै बे ओन्सोलनि सुबुंफोरा सानफेराखेंमोन । नाथाय दिनें बेयो जाफुंनानै फैनाय बे ओन्सोलनि लाइमोनफोरनो गोगो सोलोंथाय होनायजों लोगोसे सुबं सम्फ्द दाफुंनयाव गोलेँ जानाय बादियै । बेनि सिगां बे ओन्सोलनि लाइमोनफोरा नैजिबा कि मि: गोजानाव थानानैसो गोजू सैलोंथाय लाहेंनो गोनां जायेमोन । गोजानाव थानानै सोलोंथाय लाहैनया निखावरि थाखोनि थाखाय गोलेँ बाश्रा नइ । बेखायन्नो दिनें बे ओन्सोलाव सरारि मडेल फरायसालिमा गायसन्नानै गोजू सोलोंथायनि लामाखौ होनाय जाबाय । बे अन्थाय खाम्फा गायसन्नाय हाबाफारिआव बिटिआरनि मावफु सोद्रोमा रन्ज्वत बसुमतारिआ बुझेदि, थानाय १७ बोसोराव सोलोंथाय जौगाथायनि फार्सें बे ओन्सोलनि सुबुंफोरा हास्थायनाय दइधोन आरो दिनें बे हास्थायनायनि सिमांखौ सुबुंफोरा जायगायावन्नो सरकारि मडेल फरायसालिमा मोन्नो हाबाय । अन्थाय खाम्फा गायसन्नाय बे हाबाफारियाव बिटिआरनि डिपुटि स्पिकार अंभिराम चिरानि एसपि कर्जों लोगोसे जायगनि एमसिएलए जेमस बसुमतारि, रोनगोरा नाजरि,मावथि ब्रह्म हाजवारि,चिरानि एसपि सुधाकर सिं, जिल्ला बैंगिरि गौतम तालुकदारमोनहा ।□

बाक्सानि सौकिआव नैथि बड 'लेण्ड रइडार्स मीट

हादरफोर नेपाल, भुटाननिफ्राय खमैबो सा ४५० हौवा-हिन्जाव रइडार्सफोर बाहागो लानाय बे मेहेरगोनं हाबाफारिआवन्नो गुबुन गुबुन हारि-हारिसानि मोसानाय दिन्थिफुंनाय, रोजाबनायजों हाबाफारिआ मेहेरगोनांसिन जाये । बड'लेण्ड रइडर्सनि दैदेनगिरिआ मिबबिथहोनाय बादिब्ला, बड'लेण्ड ओन्सोलनि गुबुन गुबुन हारि-हारिसानि हारिसु, दावबायथलि, जानाय-लॉनाय बायदि बिथिंखौ मुत्तुगनि गेजेरवन्नो फोसावनायनि थांखिजों बे हाबाफारिखौ खुंनाय जादों । अदेबानि बे हाबाफारिखौ मोखथां महर होनो गिबि खेब चिरां जिल्लयाव खुंजेन्याय जादोंमोन ।□

तामुलपुरआव माखासे बिथांखिफोर बेखेवदों रंखान्थि मन्श्रि हिमन्त बिश्व शर्माया

बिटिआरनि नैथि सरकारि फरायसालिमा जागोन । दानिया रइजो-राजाफोरा फरायसालिमा फसंनायनि गेजेरजों गाव-गावनि जायगायावन्नो सोलोंथाय लानो खाबुखौ मोनसिगोन । बेफोर गोनां बाश्राखौ बुंथिदों आसामनि सोलोंथाय बिफाननि मन्श्रि ७ हिमन्त बिश्व शर्माया । तामुलपुर महकुमानि कुमारिकात, दावगांवारिआव फसंनो लानाय सरकारि फरायसालिमानि अन्थाय खुन्थिया फसंनायनि उनाव मन्श्रिआ बुंबोवादि, फैनाय थानाय समाव बे ओन्सोलनि फरायसाफोरा जायगायावन्नो गोजू सोलोंथायखौ लानो हागोन । फार्सेंथि फग्लादिया दैमानि जारतालुकआव दालांनि अन्थाय खाम्फा फसंनानै बिबुंथियाव मन्श्रिआ बुझेदि, बे लामानि लुफुंनाय खामानिआ जाफुंसारोब्ला फाग्लादियानि साखाथियाव थानाय जारतालुक, गवालबिल, गरबितर, उजरघाट बायदि गामिनि सुबुंफोर दैबाना आरो हा-खुख 'नायनिफ्राय उदां जासिगोन । तामुलपुरखौ मोनसे जिल्ला हिसाबै फोसावनानै जौगानायनि आरो बेजों फोनांजावनाय रहाखौ बांसिन खालामनाय जागोन होन्नानै रायखॉना बुंबावोदि, तामुलपुरआव गंसे मेडिकेल कलेज फसंनाय, गंसे जिब-जुनात फाहामसालि फसंनाय आरो गंसे केन्सार् देहा फाहामसालिखौ फसंनाय जागोन । बिथाइ लोगोसेयै बुंबावोदि, बिटिआरआव दानिया बर' -अबर'नि बाश्रा फैलिया । मोनफ्रोमबो हारि-हारिसाया समान मान आरो समान मोन्थायखौ मोनफुंगोन । प्रमद बर'आ बिटिआरनि गाहाय खुंगिरि जानाय लोगो लोगो ५०० नख 'रफोर्नो हानि पात्ता रन्नानै होनो हादों आरो फैबाय थानाय माखासे साननि गेजेरवन्नो आरोबाव ११०० नख 'रफोर्नो हा पात्ता रन्नानै होनाय जागोन । मन्श्रिआ बुंबावोदि, सिगाइव थिकादारफोर दानिय गोसो बादियै लामा दालांफोरखौ बानायदोंमोन । नाथाय दानिया सरकारनि बिथोन बादियैसो आरो रइजो-राजाफोरनि हास्थायनाय बादियैसो लामा-दालांफोरखौ बानायनांसिगोन । बेनि अनगायैबो दानिया हा-हु जेनाफोरनि थाखाय तामुलपुरनि रइजो-राजाफोरा कक्राझारिसम फैनांनय नंलिया । अदेबानि बेफोर खामानिया गावबा-गाव जायगानि मावख'आवनो जाफुंसारगोन ।

रइज्योआव ३५ रोजा टेट फोरोंगिरिफोरखौ थाबैन्नो थिसनाय जागोन आरो जायफोर फरायसालिफोरा सरकारि जायाखै बेफोर फरायसालिखौ थाबैन्नो प्रबिन्सियेलाइजनि आवथयाव लाबोनाय जागोन । तामुलपुरनिफ्राय नावकातासिम फांनाय लामा, कुमारिकातानिफ्राय जालाह थानाय लामा लुफुंनाय खामानिआ थाबैन्नो जाफुंसारगोन । फैगौ ७ फेब्रुवारीआव हादरनि गाहाय मन्श्रि नरेन्द्र मदिआ डेकियाजुलिनि मुंख्लं नोगोरसिम सौफैगोन । बेयाव मोनश्याम बिथांखिखौ जागायजेनगोन । डेकियाजुलिनि गोथार हानिफ्राय बिस्वन्थि सारिआलि आरो शराइदव देहा फाहामसालिनि थाखायवो अन्थाय खाम्फा गायसनगोन । बेनि अनगायैबो आसाम सरकारआ आजवानानै लानाय ५ रोजा कौटि रनि आसाम माला बिथांखिखौबो गोजोनै जागायजेनगोन । दिनेंनि बे मेलावन्नो तामुलपुर बिबायनि एमएलए इमानुएल मोसाहारिआ बुझेदि, दिनेंनि बे सानआ मोनसे रायखॉजाथावना सान जानानै थाबाय । मन्श्रि हिमन्त बिश्व शर्मांखौ बाख्यानानै मोसाहारिआ बुझेदि, मन्श्रि हिमन्तनि बाश्रा बादियैन्नो खामानिआ जागायजेन्दों । बे मेलाव आसाम सरकारनि मन्श्रि भबेश कलितायावो बाहागो लादोंमोन । फार्सेंथि मेलआव बाहागो लानानै बिटिआरनि गाहाय खुंगिरि प्रमद बर'आ दिनेंनि सानखौ जौनि थाखाय मोनसे जारिमिनारि सान होन्नानै बुझे । बिथाइ बुंबावोदि, थानाय गोबां बोसोरनाडें बे ओन्सोलाव हिंसायारि जाथायफोर नुजाथिदोंमोन । नाथाय दिनें बे ओन्सोलाव गोजोन थासारि आरो रैखाथिया फैफुन्दों । जौनि गेजेरव बर' -अबर'नि गावसालायहोनाय सोदोबआ गैलिया । बिथाइ बुझेदि, बिटिआर गोरोबथाया मोनसे गोजेननि गोरोबथाल 'नइ । बे बिटिआर गोरोबथाया ओन्सोल जौगानायनि मोनसे गोरोबथासो । गाहाय खुंगिरि प्रमद बर'आ बुंबावोदि, बरमायाव गंसे मिरु मुलुगसोलोंसालि फसंनाय जागोन । बिटिआरआव दानिया हिश्वयार उदां ओन्सो महरै मिबबिथजाबाय । ओन्सोलनि जेंनाफोरखौ समाधान खालामनायनि थाखाय रहा लानाय जागोन । अदेबानि देहा फहामसालिआव फाहामगिरि थिसन्नाय आरो आबादारिफोरनि थाखाय गुबुन गुबुन बिथांखिफोर लानाय जागोन । जेरै माय आबाद खालामाया आबादालिनो ट्रेक्टर होनाय जागोन आरो बिटिआरनि फरायसाफोरनि थाखाय काउन्सेलिं खालामनाय जागोन । दिनेंनि बे गुबुन गुबुन बिथांखिफोर बेखेवनाय हाबाफारिआव रइज्यो सर्पानि बारग' एम्पि बिस्वजित् दैमारि, बिटिआरनि मावफुं सोद्रोमा रेन्ड्र नाजरि, एमसिएलए धर्मन्द्र नारायन दास, हेमन्त कुमार राभा, बाक्सा जिल्ला खुंगिरि रन्जन शर्मा आरो माखासे सरकारि बिबानगिरिफोरबो बाहागो लादोंमोन ।□

मरान हारिसानि गुबुन गुबुन आफादनि शान्दैफोरजों गिबि मन्श्रिआ सावरायदों

लामयाव लानानै थानायनि थाखाय रइज्यो सरकारआ गोनांथार रहा लाबोगासिनो दइ।बिथाइ बुझेदि, सोलोंथायनि बिथिखव जों गोसो होनांगोन । मराय हारिसानि गुदि आयदाफोरखौ समाधान खालामनायनि थाखाय रइज्यो सरकारआ रहा लागोन । वीर राधव मराननि मुइव आथिखालनि रइज्यो सरकारआ गिबि खेबनि थाखाय रइज्योयारि थाखोनि बान्था होनाय जादों । बेनि गेजेरजों हारिसाफोरनो गनायथि होनाय जादों होन्नानैबो बुंबावो । आनन्त नाग, हारिगुलिनि दैबाना आरो हा खुख 'नाय जेनाखौ समाधान खालामनायनि बिथिइव रइज्यो सरकारआ रहा लागोन होन्नानै बुझे । दिनेंनि बे जशुनाय मेलआव रंखान्थि बिफाननि मन्श्रि हिमन्त बिश्व शर्मा, मन्श्रि सन्जय क्रिशन, एम्पि प्रधान बरुवा, एमएलए बलिन चेतिया, गिबि मन्श्रिनि उपा शिब सेक्रेटारि पवन कुमार बरउठकरमोनहाबो बाहागो लादोंमोन । लोगोसेयैन्नो बे मेलआव दुलाराय मरान फरायसा आफादनि बारग' आफादिगिरि अरुन्ज्यति मरानआबो बाहागो लादोंमोन । सावरायनाय मेलआव मरान हारिसानि आसाम मरान आफाद, दुलाराय मरान फरायसा आफाद, दुलाराय मरान अरिसु-हारिसु जौगाखों मिर, मरान हारिसा आइजो आफाद, मरान हारिसा कर्मसारि जौगाखों मन्स आरो मरान साहित्य सर्पानि थान्दैफोरबो बाहागो लादोंमोन ।□

बन्द लाखिथ 'नाय दावबायारि रेलफोरखौ फिन खारहोनांगौनि दाबि

गोसोखालाइनि गेजेरजों दाबि खालामदों । शिब सेनाया मिरुनि रेलवे बिफाननि मन्श्रि, आलिपुर दुवार जंशनिनि सामलायगिरिनिंसिम गोसोखालाइखौ दैथायहरदों । शिबसेनाया दाबि खालामनानै दैथायनाय गोसोखालाइयाव रायखॉनाय दइदि, ५५७१४ आफां, ५५७१३ अखं सिफुं दावबायारि रेलगारि, ५५७५४ आफां, ५५७५३ अखं इन्टारसिटि, ५५६१३ आफां, ५५६११ अखं, १५७७१ अखं, १३१७३ अखं आरो १३१७४ आफां कान्सनजंथा एक्सप्रेस रेलगारिखौ बासुगावआव फिन लाखिनायनि दाबि खालामो । बन्द जानानै थानाय रेलगारिफोरखौ फिन खारहोफिन्नायनि रहा लायाब्लां फैगौ ११ मार्चआव शिब सेनाया रइजो-राजाफोरनि हेफाजाबआव बासुगाव रेल स्टेसनआव धर्ना होनाय हाबाफारिखौ लानो गोनांथि जागोन होन्नानै दोलोनि दैदेनगिरि शिबु चन्दआ मिबबिथहोये ।□

शिबसागरआव खुंनाय गामि रैखाथि आफादनि ७२ थि गायसन्थाय सानआव गिबि मन्श्रिआ बाहागो लादों

मेलआव बिबुंथि लाखिनानै गिबि मन्श्रिआ बुझेदि, माहारिनि बिफा महात्मा गान्धीआ बुंदोंमोनदि, भारतनि जिउमाया गामियावसो थाये । भारतनि ८४ जौखोन्दो सुबुंफोरानो गामि ओन्सोलाव थानाय । भारतखौ गोख्रोंसिन खालामनांगौब्ला ८४ जौखोन्दो सुबुंफोरा थानाय गामियारि ओन्सोलखौ गोख्रों खालामनांगोन । भारतनि मोनफ्रोमबो गामिया दिनें लासें लासेंनो मोनफ्रोमबो बिथिइव दावगानो हादों । आसामनि २६ रोजा गामिफोरनि दुलाराय जौगानायनि थाखाय जों साफ्रोमबो खौसेथियै नाजानांगोन । गामियारि ओन्सोलनि हायाव दिहुन्नाय मुवा-बेसादफोरखौ बांसिन खालामनायनि थाखाय जों नाजानांगोन । फैनाय थानाय लाइमोनफोर जौंनि ५ रोजा बोसोरनि सैथोथा हारिसुखौ दिहुन्नाय थानाय । इयुन जोले लाइमोनफोरनि गेजेरव सुधुथि थानाय बेसादखौ सोरंजानगोन । माहारिनि बिफा महात्मा गान्धीआ भारतखौ राम रइज्यो महरै फसंथानायनि सिमां सुजुदोंमोन । गामि रैखाथि हान्जानि सोद्रोमाफोरबो गाव-गावनि गामिखौ रैखाथि खालामनानै लाखिनांगोन होन्ना रायखॉनानै गिबि मन्श्रिआ बुझेदि, गामिफोराव जाहाथे जेबो हिंसायारि जाथायफोर नुजाथिनो हाया बेनि थाखाय गामि रैखाथि हान्जानि जवानफोरा गोगो आखुथायजों खामानि मावलांबाय जादों । गिबि मन्श्रिआ बुझेदि, २०१६ माइथायाव गेनाखान्थि उदां, गुबुन हादररि उदां, उतखारि उदां आरो आबहावा गुबुले उदां आसाम खालामनायनि थाखाय आथिखालनि सरकारआ गाहाय थांखि लादोंमोन । बे थांखिखौ जाफुंसार होनायनि फार्सें रइजो-राजाफोरनि हेफाजाबआव सरकारआ गोबां जाफुंसारनो हादों । दानिया आसामनि मोनफ्रोमबो थाखोनि सुबुंफोरानो रैखाथियै मोनसे गोजोन थासारिनि गेजेरजों जिउ देदेन्नो हानायनि थाखाय मोनसे गोजोन आबहावाखौ दाफुंनो हादों । मोनसे समाव आसामनि सुबुं समाज जिउआव गेनाखान्थि आरो बेले-बेजे जाथायफोरखौल 'नुनो मोन्दोंमोन । अदेबानि बै समाव खुंथायनि राहाया लोरबां जालादोंमोन । गेनाखान्थि, गुबुन गुबुन बिथिइव सुबुंफोरा लोब्बा थानायनि थाखायनो जौनि सुबुं समाजआ गुबुंले जालानो हमदोंमोन । आसामनि रइजो-राजाफोरनि हेफाजाबआव आथिखालनि रइज्यो सरकारआ गेनाखान्थिनि हेंथायै जेरैबादि गोखों रहा लादों बेनि फिथाइयाव दिनें दुलाराय रइज्योआवन्नो मोनसे समायना आरो गोखों रहा लानो हानायनि फार्सें सरकारआ जाफुंसारदों होन्नानै बिथाइ बुझे । आसामनि सुबुंफोरा गोजोन हास्थायदों होन्नानै रायखॉना गिबि मन्श्रिआ बुंबावोदि, सिगांनि सरकारआ नोजोरंथि गयैनि थाखायनो सुबुंफोरा गोजेननि थाखाय नागिरनो गोनां जादोंमोन । दुलाराय आसामनि सुबुंखान्थिखौ गुबुंले खालामनानै दोन्दोंमोन । नाथाय २०१६ माइथायव आथिखालनि रइज्यो सरकारआ खुंथायखौ सामलायजेनार्यनिफ्रायनो गुबुन गुबुन बिथिइव बिबान लानानै दासान्दि रइज्योआ गोजोन थासारिनि गेजेरजों जौगानायनि फार्सेल' थांगसिनो होन्नानै गिबि मन्श्रिआ बुझे । रइज्यो सरकारनि गोनांथार बिफाव लानायनि थाखायनो दिनें रइज्योनि माखासे उतखारि आफादनि गोबां सोद्रोमाफोरा हिंसायारिनि लामाखौ नागराननै गुदै थांखियाव फैफुन्नाय हादों । बेनि गेजेरजोंनो आसामआ मोनफ्रोमबो बिथिइवन्नो जौगानायनि जांख्यावव सौहेनो हादों ।

उतखारि उदां आसाम खालामनायनि थाखाय भारतनि गुबुन गुबुन ओन्सोलफोरनिखुइवो आसामआ दानिया बर्यनिखुइवो आलादा मान मोन्नो हादों होन्नानै गिबि मन्श्रिआ बुझे । गावनि बिबुंथियावन्नो गिबि मन्श्रिआ गामि रैखाथि हान्जानि जवानफोरा गामिफोरखौ रैखाथि लाखिनांगो होन्नानै फोसावो । गामियारि समाजआव जाहाथे बिदा-फंबाय अनलायनाय थासारिआ गोजेरै सोलिबाय थाये बे बिथिइवव गामि रैखाथि हान्ज्या गोनांथार बिफाव लानांगोन । गामिफोराव जुदि मबेबा मोनसे गोहोआ गोजेोन थासारिखौ खहा खालामनो नाजायेब्ला बेनि सायाव गामि रैखाथि हान्ज्या गोख्रों गसंथानांगो । गामिफोरखौ साखोन-सिखोन लाखिनायाव जाफुंसारनो थांखि लादोंब्ला माहारिनि बिफा महात्मा गान्धीनि राम रइज्योनि सुनुजाय सिमांखो मोखथाइव जाफुंसार होनांगोन होन्नानै गिबि मन्श्रिआ बुझे । गामि रैखाथि हान्जाआ मोनफ्रोमबो बिबान लानानै फैबाय थानाय सम्फोरवबो खामानि मावलांबाय थागोनखौ गिबि मन्श्रिआ मिर्जिथियो । जारिमिनारि तलातल न'नि लांगोनायाव खुंनाय मेलनि गेजेरजों दुलाराय आसामनि सुबुंफोरनि फार्सें गुबुन गुबुन सांग्राथिफोरा फैयोब्ला बेखौ गोरबानानै आरो खौसेयै बोसॉनार्यनि रहा लानो थाखायवो गिबि मन्श्रिआ फोसावो । दिनेंनि बे हाबाफारिआवन्नो गिबि मन्श्रिआ गामि रैखाथि हान्जानि गायसन्गिरि हरिनारायन बरुवानि मोनसे मुसुखाखौ गुवाहाटीआव फसंनायनि रहा लानो थाखाय आसाम पुलिसनि गाहाय सामलायगिरिखौ बिथोन होनायजों लोगोसे गामि रैखाथि हान्जानि जवानफोरा गोसोखां बिलाइ गथायनायनि गेजेरजों रायखॉनाय जेंनाफोरखौ समाधान खालामनायनि बिथिइव रइज्यो सरकारआ गोनांथार रहा लागोन होन्नानै बाश्रा होये । गिबि मन्श्रिआ लोगोसेयैन्नो गामि रैखाथि हान्जानि दासान्दि २,५०० मोन्या रंखौ बारायनार्यनि सरकारआ रहा लागोन होन्नानै बाश्रा होबावो । बे हाबाफारिआवन्नो गिबि मन्श्रिआ साबसिन सिबिथाय होनो हानायनि थाखाय मोन ३४ गामि रैखाथि आफाद आरो मोन २६ मन्डल थाखोनि आफादफोरनो मान बिलाइखौ गथायनानै होये । गामि रैखाथि हान्जानि गाहाय बिबानगिरि दिगन्त बराया बराय बिबुंथि लाखिनाय दिनेंनि बे हाबाफारिआव मन्श्रि जगेन हरेन्द्र, एम्पि तपन कुमार गंगै आरो आसाम पुलिसनि गाहाय सामलायगिरि बास्कन्ज्यति महन्तआबो बिबुंथि लाखियो । हाबाफारिआव एमएलएफोर प्रदिब हाजरिका, कुशल दुवरी, शिबसागर जिल्ला खुंगिरि बिष्णु कमल बरामोनहाबो बाहागो लादोंमोन ।□

बोसोरनि रंखान्थि बाजेटनि सिगांनो हादतगिरिनि बिबुंथि

लकसभानि सावरायनाया १ फेब्रुवारीखालि फुंनि ११.०० रिंगासिम दोन्थ 'जागोन । रंखान्थि मन्श्रि निर्मलया १ फेब्रुवारीखालिनो सरसन्स्था बाजेटखो फोसावनानै होगोन । पालियायन्नेनि बाजेट जथुम्मानि गिबि सानखालि दावव-दावसि जानायनि गेजेरवन्नो मन्श्रि निर्मलया थानाय बोसोरनि रंखान्थि बाजेट जुथायनायनि सायाव रिपटखौ फरायथिदों । बे समाव बिथाइ बुझेदि, रंखान्थि बोसोयव जिडिपिनि जौगानया ११ जौखेन्नो जाहेगोनखौ हमना लानाय जादों । मिरुनि मन्श्रि रबिशंकर प्रसादआ बुझेदि, दिनें बाजेट जथुम्माया हादरगिरि रामनाथ कबिन्दनि बेसेन गोसा बिबुंथि लाखिनायजों जागायजेन्दों । नाथाय दुखुनांथाव बाश्रादि, गासैबो बेरेखा दोलोनि सोद्रोमाफोरा सदनखौ नागरदों । गुबुन फार्सेंथि रइज्यो सभायाव दावव-दावसिनि गेजेरजों माखासे सम् दोन्थ 'नो गोनं जानायनि उनाव बेलासि ३.०० रिगािनिफ्रायसो जागायजेनफिनो । हादरगिरि रामनाथ कबिन्दआ बुझेदि, थानाय माखासे बोसोराव हादरआ गोबां खामानि मावनानै दिथिदों । जेराव बेफोर खामानिखौ मावफुंनाया जोबोद गोब्राममोन । हादरगिरिआ बुझेदि, जम्मु-काशमीरनि थागिबि सुबुंफोरनो आबुं मोन्थाय होनायनि थांखिजों बे रइज्योनिफ्राय आर्टिकेल ३७ खौ बोखारनाय, सुप्रिम कर्टनि थांखि बादियै अयथायाव राम मन्दिर लुफुंनाय खामानिआ जागायजेनबाय । बेनि अनगायैबो डिबिटिनि सायावबो सोदंनानै बेनि गेजेरजों थ

अटिटि प्लेटफर्मआव नुजानो गोनां वेब सिरिज ताजमहल 1989 नि फावखुंगुर श्रीराज सिंआ गावनि माखासे जाथायखौ फोरमायदों

गोदान दिल्ली, 29 जानुवारी : अटिटि प्लेटफर्मआव रिलिज जानो गोनां वेब सिरिज ताजमहल 1989 आरो सावथुन 'ट्रेफिक'आव फाव खालामनाय लक्ष्मी श्रीराम सिंआ हमादोदि सावथुन मुलुगयाव गाव आथिखालआव मोनसे गोलाव लामाखौ थि खालामनांगोन। मोनसे हाबाफारिनि समाव बावैसो समाव होनाय गावनि बिबुंधिआव फावखुंगुरआ बुंदों, जेब्लानो आं उनफासैं गिदिंफिनानै नायहरो अब्लानो



हमदाडोदि आथिखालाव माखासे गोबां आद्रा दडजायखौ आं गावखौनो गोजोन होनो थाखाय नाजानांगौ। नाथाय

लोगोसेनो आं बेखौबो मोजाडै मोनथियोदि सासे फावखुंगुर महैरै जायखि जाया थाखोआव गावनि हाबाफारिजों गोजोनै

थानो हाया मानोना जों अरायसम माखासे गोदान हाबाफारिखौ नागिरनांगौ जायो आरो सिगांनिफ्राय बांसिन रमानिक जानांगौ जायो। बे मोजां फावखुंगुरआ गावनि केरियारखौ थियेटारजों जागायदोंमोन। फावखुंगुरआ फोरमायबावदों जेब्ला गाव गावनि कलेजखौ फुरा खालामनो नागिरदोंमोन, बे समाव सहरावनो मोनसे थियेटारनि बाहागो जानो थांखि लादों। गाव गोनां जौसांनिफ्राय बे अन्नाय मोननाया गावखौ राय


अमानाथ बालि अडिटिरियामआव लानानै फेदों आरो बै समाव राइज्योनि थियेटार स्टलवार्डखौ सिनायथिनो हादों। 1996 निफ्राय गाव बेखौ जागायदों आरो खामानि नागिरनो मुम्बाइयाव थाडैनि सिगां रूसारि जानाय गपाल मिश्रा आरो मेहराज आलम बायदि मुंदांखा थियेटारनि फावगिरिफोरा जों माखासे प्रसिडियाम आरो नुक्कड़ नाटकआव फाव खालामदों।

अमिताभ बच्चनआ गोदान सावथुन सुटिनि सिगां गिखांनाय फोरमायथिदों

गोदान दिल्ली, 29 जानुवारी : फावखुंगुर अमिताभ बच्चनआ गावनि गोदान सावथुन 'मेडे'नि सुटिखौ जागायबाय। आथिखालाव सुटिनि सिगांनि सानआव बियो गोबां गिखांदोंमोन। बिग बीआ ससियेल मिडियाआव गावनि थासारिनि सायाव बिबुंधि होनानै लियदों। हे भगवान गोदान सावथुननि गिबि सानआ अरायसम गात्रि सिमां बायदि जायो। आं सानोदि बेबायदि जायोब्ला मा जागोन ? मा बेखौ गनायना लाजागोन ? ना बारहोहर जागोन। गोजानाव खारलानानै थाखुमानो हास्थायो। अजय देबगाननि बिथोन होनाय बानायनाय बे सावथुनआ अमिताभ बच्चननि अनगायै अजय देबगानआवो गावनो आरो रकुल प्रित सिंआवो गाहाय फाव खालामगोन। रकुलआ बिग बीनि पस्टरआव रिप्ट खालामनानै लियदों, सार बे बाथ्राखौ आंसो बुंनांगौ। नोंथांजों लोगोसे फाव खालामगोनखौ लानानै आं गोबां थ्रिल्ड, नाभास आरो एक्साइटेट जादोंमोन।

शाहरुखनि फिसाज्ला आर्यन आरो सुनिल शेड्डीनि फिसाज्ला आहानआ क्रिकेट गेलेमुयाव गोसो होदों

मुम्बाइ, 29 जानुवारी : पापाराजीआ स्टार किडसनि सावगारिखौ सेबखानो गोबां मोजां मोनो। बियो तेमुर आली खान आरो अबराम खाननि सावगारिखौ सेबखानो मोनफ्रोमबो खाबुखौ नागारा। बावैसो समाव पापाराजीआ सुनिल शेड्डीनि फिसाज्ला आहान शेड्डीजों लोगोसे शाहरुख खान आरो गौरि खाननि देरसिन फिसाज्ला आर्यन खाननि सावगारिफोरखौ सेबखानों। बे सावगारिफोरखौ नुनानै हामदोंनो



हायोदि बे सानै स्टार किडसआ क्रिकेट मेच गेलेदोंमोन। बे समावनो गेलेग्रा फोथाराव ऑंखार बोनाय समनि बिसोरनि सावगारिफोरखौ नुनो मोननाय जादों। आर्यन खान आरो अहान शेड्डीखौ बे समाव सिम्पल एथलेटिक बियरआव नुनो मोन्दों। जेराव आर्यनआ आबुडे गोसोम गाबनि ड्रेस गान्दोंमोन। फासैंथि आहान शेड्डीआ गांसे गुफुर टी-सार्ट आरो गोसोम गाबनि लवल गान्दोंमोन। बे सानै स्टार किडसफोरा आथिखालाव देरबोगौ आरो फेन्सफोरावो बिसोरनि बलिउडआव एन्ट्रि जागोनखौ

गोसो होसारनानै नेनानै दड। आथिखालाव आहान शेड्डीनि केसआव बेयो थाबैनो जासिगोनबो। आहानआ थाबैनो 'तडुप' सावथुनजों लोगोसे गावनि बलिउड डेब्यु खालामनो थाखाय थियारि जादोंमोन। बिखौ स्टुडेन्ट अफ दा इयार 2 नि मुंदांखा तारा सुतारियाजों लोगोसे नुनो मोनगोन। मख'नो गोनांदि, मिलन लुथरियाआ बे सावथुनखौ बिथोन होसिगोन। फासैंथि आर्यन खानआ आथिखालाव माब्ला सावथुन मुलुगयाव एन्ट्रि जागोन बेयो रोखा जायाखे।

2020 इन्सटाग्रामनि धोनिसिन फोसावनाय फारिलाइयाव भारतीय स्टारफोरनि गेजेराव प्रियंका चपड़ा आरो बिराट कहलीआल' जायगा मोन्दों

मुम्बाइ, 29 जानुवारी : इन्सटाग्रामनि फासैं फोसावनाय धोनि सुबुंफोरनि फारिलाइआव भारतीय स्टारफोरनि गेजेराव प्रियंका चपड़ा आरो क्रिकेटार बिराट कहलीआल' टप 100 आव गावसोरनि जायगाखौ बानायना लानो हादों। एन्टारटेन्मेन्ट इन्डास्ट्रिनि बाथ्राखौ बुडोब्ला प्रियंका चपड़ाया फारिलाइआव जायगा बानायनो हानाय सासेल' भारतीय। टप 100 नि फारिलाइयाव बिराट कहलीआ 26 थि नाम्बाराव दड, जेराव प्रियंका चपड़ाआ 28 थि नाम्बाराव दड। फासैंथि स्टारफोरनि फारिलाइआव प्रियंका चपड़ाया 22 थि थाखोखौ मोन्दों। बे फारिलाइआव आमेरिकानि स्टारफोरनि गोहोखौ नुनो मोन्दों। गिबि नाम्बाराव कायली जीनरआ दड आरो नैथि नाम्बाराव अरियाना ग्रान्डेआ दड। टप 10 आव आबुडेआमेरिकानि स्टारफोरनि



गोहोखौनो नुनो मोन्दों। बेबायदियाव प्रियंका चपड़ा नि सासेल' भारतीय स्टारनि महैरै फारिलाइआव जायगा बानायगा गुन गोनां जायो। स्पटर्सजों सोमोन्दो गोनां सुबुंफोरनि इन्सटाग्राम धोनि सुबुंफोरनि फारिलाइआव गासैं 24 सुबुंफोरनो जायगा होदों जेराव बिराट कहलीआ द'थि थाखोखौ मोन्दों। बे फारिलाइआव गिबि थाखोआव फुटबलार क्रिस्टियान' रनाल्ड'आ दड। बिराट कहलीआ भारतजों लोगोसेनो क्रिकेट मुलुगनिबो सासेल' मुंदांखा जाय बे फारिलाइआव जायगा मोन्दों।

बे फारिलाइनि गेजेरजों बेखौ फोरमायनो हायोदि इन्सटाग्रामआव सोर स्टारआ माबै रेंकआव दड। लोगोसेनो बे फारिलाइनि गेजेरजोंनो बिसोरनि बे प्लेटफर्मआव फुरा रां आर्जिनो हानायनिफ्राय लानानै बे पस्टनि बेसेनखौ मिथिनयावो जायो। बे फारिलाइखौ स्टारफोरा मबेबा स्पन्सर पस्टनि थाखाय बेसेबां चार्ज जाया बेनि सायाव थियारि खालामनाय जायो। 2019 आवबो बे फारिलाइखौ फोसावनाय जादोंमोन, बे समावबो प्रियंका आरो बिराट कहलीआनो बेवहाय जायगा मोनो हादोंमोन।

2000 बोसोर गोजाम कफिननिफ्राय जुस बोखांदों



मिस्त्र, 29 जानुवारी: मिस्त्रनि आलेकजेन्डियाआव आर्कलजि बिफानआ नै बोसोर सिगां 2000 बोसोर गोजाम कफिनखौ

मोन्दोंमोन। जेराव मोनसे रोखोमनि जुसखौ मोन्दों। बेनि खौराडा गोसारनाय लोगो लोगोनो सुबुंफोर बेखौ लॉनो हांखुर जादों। मख'नो गोनांदि जावखानाय, समाव बे कफिनखौ मोननाय जादों। जेराव बेखौ फबनानै दोन्नाय जादोंमोन। जावखानाय समाव सा 3 सुबुंफोरनि हारा बेगेंखौबो मोननाय जादों। बेजों लोगोसेनो गोजा स्टील गाबनि दैखौबो मोननाय जादो। जाय हारा बेगेंनि मोननामनायखौबो जानगार खालामदों। मिस्त्रनि खौरंलाइ आउटलेट एल बतननि बादिब्ला आर्कलजि बिफानआ गिबियाव कफिननि दरजाखौ 5 से.मि. (2 इन्सल') दैखांदोंमोन। बेनिफ्राय गोखे मोनामनाय मोन्दों। उनाव बेखौ मिस्त्रनि सान्थि इन्जिनियारफोरनि मदतजों खुलिनाय जायो। बिबिसिनि बादिब्ला सुप्रिम काउन्सिल अफ एन्टिकसनि गाहाय सेक्रेटारि मस्ताफा बजिरिआ बुंदोंमोनदि, गावसोर कफिनयाव सा 3 सुबुंफोरनि हारा बेगें मोन्दों। बिसोरखौ नखरि नेम-खाथिजों फबनाय जादोंमोन। कफिन सिनि मासिमआ मोजां रोखोमै गैलामोन आरो बेवहाय हारा बेगें' दसैमोन।

रेलवेनि थाबथानानै थानाय 200 बिथांखिफोरखौ मावफुंनयनि गेजेरजों इयुननि बिथांखि बानायनायाव मदत मोन्दों : गयेल

गोदान दिल्ली, 29 जानुवारी : रेल मन्थि पीयूष गयेलआ बुंदों गोबाव समनिफ्राय रेलवेनि थाबथानानै थानाय 200 था बिथांखिफोरखौ करना जेनानि समाव फुरा खालामनायजों इयुननि यजनखौ बानायनायाव मदत मोन्दों। बियो भारतीय फालांगि आरो उद्यम महासंघ (फिक्की) नि



स्मार्ट रेलवे सम्मेलननि थामथि हाबाफारिया 'रेल परिबहन का भविष्य' आयदानि सायाव गावनि सोमोन्दो लानायाव बुंदोंदि, रेलवे या मोनसे रै खाथि सिबिथाय होग्रा गोदान मुगानि आरो टेकनलजि सामलायनायनि नेमखान्थि जानांगौ। आथिखालाव मालगाडीनि गोखैथिया 1

गाहाम देहानि राहा

बिगुर, खानाय आरो देहानि मेजिक गोसोम गाबनि आंगुरा

गुसु बोथोराव गोथां मैंग-थाइंगं आरो फिथाय-सामथाय जायोब्ला माखासे मुलाम्फा मोनो। गुसु बोथोराव गोसोम आंगुरखौ बयनिखुइबो सावसिन मोननाय जायो। आंगुरयाव ग्लुकज, मेगिनसियाम आरो साइट्रिक एसिड बादि माखासे पषक तत्व मोननाय जायो। टिबि, केन्सार आरो ब्लाड इन्फेक्सन बादि बेरामफोराव आंगुरा मुलाम्फा गोनां। गोसोम आंगुरखौ डायबिटिसखौ फाहामनो थाखायबो बाहायनाय जायो। बे आंगुराव रेसवेस्टल मुनि मुवा थायो, जाय थैयाव इन्सुलिनखौ बांहोयो। बे रोखोमै बेनो सुगारखौ सामलायो। बेयो देहायाव थैनि थांलाय-फैलाय खालामनायखौ बांहोयो। बेनि थाखायबो ब्लाडप्रेशरआ जानगार जायो। गोसोम आंगुरआव थानाय साइट केमिकेल्सआ बिखाखौ गाहामै लाखियो। बेयो देहायाव कलेस्ट्रलनि बिबांखौबो सामलायो। हार्ट एटाकट



जानाय आरो बेजों सोमोन्दो समायना नुयो। बेवहाय थानाय थानाय खैफोदखौ खम भिटांमिन सिया स्किन सेल्सखौ मोजां खालामो। खर'नि डेनड्राफ, खर'नि खानाय गनाय आरो गोमोन मोननायखौ बेवहाय थानाय भिटांमिन इआ होबथायो। खर'नि खानाय गुदियाबो गोखों जायो, बेजों खर'नि खानाया रोजा आरो मोजां जायो। माइग्रेननि सानायजों आइखां-बाइखां जानाय सुबुंफोरनि थाखाय आंगुरनि रसआ मुलाम्फा गोनां जायो। माखासे समसिम आंगुरनि रसखौ लोंबाय थायोब्ला बे जेनानिफ्राय रैखा मोन्नो हागोन।

डायबिटिस बेरामखौ कन्ट्रल खालामनायनि माखासे राहा

सरासनसा महरै डायबिटिस बेरामनि नख'रारि फाहामथाय होनायनि महरै केरेला आरो जाम्बुखौ बाहायनाय जायो। केरेलाखौ जुस खालामनानैबो लोंनाय जायो। नाथाय माखासे ओरैबादि नख'रारि राहाबो दं, जायखौ डायबिटिस कन्ट्रल खालामनो थाखाय डाक्टरनि बोसोन लानानै बाहायनाय जायो। बेफोर नख'रारिनि राहाखौ बाहायोब्ला साइड एफेक्टबो



नुजाया। मेथीखौ हरसेथारला दानाखौ गिलाचसे दैजों दैयाव सोमहाबनानै फुडाव लोगोसे जाफानांगौ। बेबादि ब्रास खालाम खानायनि उनाव खालामोब्ला डायबिटिसखौ बयनिखुइबो सिगां बे मेथीनि कन्ट्रल खालामनो हागोन।

अमिताभ बच्चन, प्रभास आरो दीपिका पादुकुगनि सावथुननि सोमोन्दे गोबांथार सुलुंमिबिथिनो हादों



गोदान दिल्ली, 29 जानुवारी : तेलुगु सावथुन इन्डास्ट्रीआव थानाय बोसोराव मोनसे गिदिर सावथुननि गुदि बिथाखौ लाखिनय जादों आरो बेखौ गोबां दोहौ गोनाडै फोसावनाय जादोंमोन। बे सावथुनखौ नाग आश्विनआ बिथोन होगोन आरो सावथुन जोहोलाव अमिताभ बच्चन, प्रभास आरो दीपिका पादुकुगखौ गाहाय फावआव नुनो मोनगोन। आथिखालनि बे सावथुनआव सावथुन मुलुगनि आरोबाव सानै मुंदांखा सुबुंफोरा एन्ट्रि जादों, जायखौ बानायगिरि कम्पानि बेजयन्ती मुभीजआ फोसावदों। गावनि टुइटर एकाउन्टनि गेजेरजों

कम्पानिआ खौरां होदोंदि, बे प्रजेक्टजों डाइरेक्टर अफ फटग्राफी डानी सान्वेज लपेज आरो दैखोगिरि माइकी मेयरआ सरजाबबाय। डानी सान्वेज लपेजआ इउर'पनि सावथुन मेकार, जाय गाहाय महरै आमेरिका आरो भारतीय सावथुन इन्डास्ट्रीआव हाबाफारि मावो। डानीआ गाहाय महरै खोला भारतीय सावथुननि थाखाय मोनथि जायो। फासैंथि माइका मेयरआ बात्था देरहागिरि मिउजिक कम्पजार। गावनि सावथुनफोरनि थाखाय बियो खोला भारतनि मुंदांखा नन्दी एवाड देरहा खांबाय।

मुजाफ्फर नगर खुंथाया आबादारिफोरनि मेल खुंनायखौ दोन्थ 'नो खावलायहरदों

गोदान दिल्ली 29 जानुवारी : मुजाफ्फरनगर खुंथाया आबादारिफोरनि जथुमा खुंनायखौ दोन्थ 'नो आर 'ज गाबदों। जायगानि खुंथाया नरेश टिकेतनाव जथुमा खुंथेनि आर 'ज गाबदों। पुलिसआ दिल्ली थिंजाय सौहै ग्रा गासिबो सिमनाफोरखौ सिल खलामदों। गुबुन फार्सेथिंजाय बिजनौरयाव आबादारिफोरा लामायावनो हर थानानै गाव गावनि हेँ था होनायखौ फोरमायदों। मुरादाबाद मन्डलनि माखासे आबादारि दैदेनगिरिफोर आरो बिसोरजों लोगोसे थांफानाय आबादारिफोरा 26 जानुवारीयाव ट्रेक्टर पेरेडनि उनाव माखासेफोरा फेफिन्दों आरो



गुबुन माखासेफोरा गोदान सोलोयारि खांथि बानायनायाव नांथाबनानै थादों। मख 'नो गोनांदि, दिल्लीयाव हिंसायारि जाथाय खालामनायनि उनाव सर कारनि गोखों आखु दिन्थिनयनि जाहोनाव माखासे

दैदेनगिरिफोरा थाखोमानानै थादों। रामपुरनि बिलासपुरयाव बै समाव हरखाबै जेंना गोनां थासारि सोमजियो जेब्ला गोबां सुबुंफोरा अफिसार फर्सजों लोगोसे ओन्सोलनि आबादारिफोरखौ सामलायग्रा

नवाबगन्ज गुरुद्वारनि बाबा अनुप सिंखौ लोगो हमनो थाडो। बिखौ ग्रेप्टार खालामनायनि नंखाय बाभ्रा बानसावनायाव रोजा रोजा शिख समाजनि सुबुंफोरा गुरुद्वारायाव सौहैयो।

पाकिस्तानी उत्खारिया आफगानिस्ताननि लामायाव जिउ गोमादों

पेशावर, 29 जानुवारी: पाकिस्ताननि खारखोमा थानाय उतखारि कामान्दार मंगल बागआ खोला आफगानिस्तानाव लामा सेरनि बमा बेरफुनायाव रंसारि जाबाय। बिनि सायाव 30 लाख आमेरिका डलारनि बान्था फोसावदोंमोन। सासे गागि आफगान बिबानगिरिनि गथायनाय खौरांखौ लानानै मिडिया रिपर्टयाव बे बाभ्रानि खौरां होनाय जादों। होबथा जानाय लस्कर-ए-इस्लाम उतखारि हान्जानि दैदेनगिरि मंगल बागआ माखासे उतखारिनि हाबाफारि मावनायाव दंफा देरोमोन। एक्सप्रेस ट्रिबुन खौरांलाइआ आफगानिस्ताननि नांगरहार राइज्योनि गबनर जियाउलहक अमरखिलनि गथायनाय खौरांखौ लानानै



फोरमायदोंदि, दिनें फुडाव नांगरहारनि आकिन जिल्लानि बन्दर दाहा ओन्सोलाव लामा सेराव बमा बेरफुनायाव बियो

गावनि सानै हेफाजाबगिरिफोरजों लोगोसे रंसारि जायो। ट्राक क्लीनारनिफ्राय उतखारि जानाय मंगल बागआ होबथा जानाय

त हरीक - ए - तालिबान पाकिस्तान (टिटिपि) जों सोमोन्दो दंमोन। मंगल बागआ लस्कर-ए-इस्लामनि दैदेनगिरि, जाय तहरीक-ए-तालिबान पाकिस्तान (टिटिपि) जों सोमोन्दो थानाय मोनसे उतखारि हान्जा। बिनि हान्जाआ फेग्रा मुवाखौ खावनानै लानाय, सुबुंफोरखौ खावनानै लानाय, नाटनि गारियाव खना खनला सिग्रोमनानै पाकिस्तान आरो आफगानिस्ताननि गेजेरजों फालांगि खालामनायनि सायाव टेक्स लायोमोन।

थमेट'खौ बांदाय जायोब्ला किडनीयाव अन्थाय जानो हागौ

गोदान दिल्ली, 29 जानुवारी: थमेथ'खौ जाब्ला देहानि थाखाय मुलाम्फा गोनां जायो। गोजा थमेथ'जों मोखानि महरनि टेनिंगखौ जानगार खालामनो हायो। गोजा थमेथ'याव एन्टिअक्सिडेन्टखौ मोन्नाय जायो, जाय आल्ट्राबायलेट रोदानिफ्राय मोखानि महरखौ रेखा खालामो। जाग्रा आदारनि स्वाटखौ बांहोनायनिफ्राय लानानै मोखानि महरनि थाखायबो थमेथ'आ गोबां गुन गोनां। नाथाय थमेथ'खौ गोबां जाब्ला देहाया खहाबो जानो हागौ। सानफ्रामबो गोनांथिनिफ्राय

बान्नि थमेथ' जाब्ला किडनीआव अन्थाय जानो हागौ। मख 'नो गोनांदि, थमेथ'याव गोबां बिबानि केलसियाम आरो अक्जलेट मोन्नाय जायो, जाय देहायाव गोबां बिबानि थायो। बेखौ गोलेयेंनो दोगोन खालामनो हाया आरो देहानिफ्रायबो गोलेयें दिहुन हरोनो हाया। बेयो बिगुर आरो देहायाव लाथा खानानै थायो, जायजों बिडनीयाव अन्थाय जायो। थमेथ'याव साल्मनेला मुनि भेक्डरिया थायो। बेयो देहा सिडाव हाबलाब्ला डायरिया बेरामबो जानो हागौ। देहाजों सोमोन्दो

थानाय थमेथ'खौ एसेल बिबानि जानांगौ। लाइकपेन्डर्मियाआ मोनसे ओरैबादि जेंना, जेराव थैयाव लाइकपीनिनि बिबाड बाब्ला बिगुर गोसोम जालाडो. लाइकपीनिआ सरासन्हा महर देहानि थाखाय मोजों जायो। नाथाय जेब्ला बेयो गोनांथिनिफ्राय बान्नि जायो अब्ला लाइकपेन्डर्मिया बादि जेंनाया जायो। थमेथ'खौ सानफ्रामबो 75 मि:ग्रा: निफ्राय बान्नि जाब्ला खहा गोनां जानो हागौ। थमेथ'खौ गोनांनिफ्राय बान्नि जाब्ला जरा बुखाडो आरो सान्नाय सुनाय जायो। बेवहाय सलनिन मुनि क्षाट मोन्नाय जायो।

भारतीय रांखान्थि राहाया गोखैनो जौगाखांदों:कबिन्द

गोदान दिल्ली, 29 जानुवारी : भारतनि हादतगिरि रामनाथ कबिन्दआ शुक्रबाराव बाजेट जथुमा जागाय जेन्नायाव गावनि बिबुंथि होनायाव बुंदोंदि, करनानि गोहोम गोग्लैनायजों भारतनि रांखान्थि बेबस्थाया दावखोदों। भारत सरकारजों लोगोसे इडएननिफ्राय लानानै हादत गुबुन हादतनि एजेन्सिफोराबो भारतीय रां खान्थि बेबस्थाया गोखैनै रिक्भारि जानायखौ मानिना

लादों। करना भाइरासआ भारतीय रांखान्थि बेबस्थानि सायाव गात्रि गोहोम खोख्लेंदों। नाथाय गोहोम गोनां सरकारनि नेमखान्थिनि जाहोनाव इक'नमिआ गोखैनै दावखोदों। भारतीय रांखान्थि बेबस्थायाव रिक्भारि जानायनि इसाराखौ थानाय 3 दाननिफ्रायनो मोन्दोंमोन। आइएमएफआ बावयेंसो समाव वर्ल्ड इक'नमि आउट लुक रिपर्टखौ फोसावदों। बे रिपर्टआव 2021-22 याव

भारतनि रांखान्थि बेबस्थाखौ 11.5 जौखोन्दो दावखोगोनखौ सिंगांगो हेमदांना लादों। बे रोखोमै रांखान्थि जौगाखांनाय हादत जानो हागौ। आइएमएफआ बावयेंसो समनि रिपर्टयाव एप्रिल 2022 निफ्राय जागाय जेन्नाय रांखान्थि बोसोरनि थाखाय भारतनि जिडिपिआव 5.8 जौखोन्दो जौगाखांनाय हामदांना लादों।

रिमानि नथ'राव रोहो-रोहो जुजाय अर फोजोंखो। रिमाया Suicide जाखालि जोंहानि न'खौ नागिर नागिर फेदोंमोन। नॉनि सोमोन्दै बुंदोंमोन- दैथुना जाबाय धोनि जमिदारनि फिसा बिखौ अन्नाय मोजां मोन्नाया अंनिनो गोरोन्थिमिना। जोंबादि गोरीबनि फिसाया दैथुनबादि सेग्राजों गोसो होनाय लानाया दुखुनि थफला रुजुननांनाय। दैथुन बाइदि आंबो सोलोंथाय लानो हागौमोन नाथाय हावरियानि मिजिकआ बाद होयो। राहा गोयै धोनि न'खरफोरनि फिसाजो जानायमोनब्ला उन-उन खारफागौमोन। जों जाबाय नेहाद गोबोरखनि एम्फो। बिदिनो नामा जमिदारि फिसाफोरा हावरिया सुबुनि गोबोंखौ बख्ल'ना नायग्रा। आंखौथ' गोबां मोजां सेग्राजों आमया मोनहा मगा मोगि जाहोदोंमोन। नाथाय आंसो रादाय खानाय बुब्लिखौ थांखिना। आय

आफा फंबाय सानैखौ सम सम गोसो खाडो न'आवबो गोबावसै थानाय जायाखिसै। आं न'सिम गिदिंलांफिन्तो गोसो गैला मिना। न'आबोथ' थानानै आं गोजोन्तो हाखाया। दैथुननि गोदान सिख्ला जेजां मोन्नायजों बिसोरनि फाव-फेसनखौ नुयोब्ला खोनायोब्ला आं बोरेसहायनो। बेनिफ्राय रिमानि रावफ्रा थेरलांदोंमोन। बै समाव आं रिमाजों हेफाजाव होफानो राव नागिरना मोनाखैमोन। आंनि बुंनाय बाभ्राफोरखौ बियो फंसेबो हगनायाखिसै। गावनो फंफोमबो रावआव बुजिनो हानायाख। रिमायान 3 बाजिसोआव जायें लोंयें जोंनिफ्रियाय बिमायमोननिफिसम थांफिन्तो होन्नाय ओंखारलाडो। बिनिफ्राय ससे थानानै खारफुबाय थानाय गंसे पेसेनजार बासआव बारसोमो। जाथायखौ खोनानानै आं जोबोद दुखु मोनदोंमोन। जोमै गोयै बारहुंकाया िनि गोबोंखौ

सोमावग्लुंफेदोंमोन। दैथुन नोंथ' मोजां गात्रि रिमाजों खनसे मोगा मोगि जानांगौमोन। हरखाबै मानो फेलेंनि रादाव दैथायखो होम्बा मानो गोदान मिजिकनि गाव गाखो। नॉनि बे गोदान मिजिक गावानो आय बुदांनि सासेल' अनजालि बिमा हिन्जाव गोमाजाहबाय सानैया अनसुलि बिब' गोमाजाबाय। नों मानो बिसोरनि जीउआव दुखुनि सावगारि बोना होखो। सान्ना नायनाय दैथुन बिसोरनि बिखा खामगिलनाय दाहानि बाहागो सोर लाफागोन सोर आन्दे होलगोन। थारैनो नों बिसोरनि'आव निमाहा बिहैगोन दा। आरोबाव गोबां गैला। बिखिनियायो "गोजोन्थो" नॉनि लोगो मिना लायजामखौ फरायनानै रंजालिया मोदें हुगारो। बै सम हालगै दैथुन जों नायहाबना माबा सानगासिनो बिसम्राव)

दाया आंनिनी

(सुंद सल) वित्ता रानी बखुमत्तारी

रंजालिया दिनें फनिफ्रायनो गोसोआ जोबोर उसाव-बादाव। माननोना दिनें College Week नि जोबथा सान Cultural Programme दं। दैथुनजों दोंसे जावजा मेथाय rehearsal होदोंमोन। बेखौनो आरोबाव खेबसे (stage) आव रोजाबनायनि सिगां rehearsal खालामबावनो फुनिफ्रायनो ओजों थांलाय बैजों थांलाय देलायगसिनो दं। दैथुनो 8 बाजियावनो सैहैनायनि खोथा होबोखादों मेया। बेखौ गानदों बैखौ दोनदों बबे गांसेखौ गाननाया गाहाम एबा मोजासिन नुगोन उलथां फालथां दख्जाजों फात्राजों बिराना गंसे बुंजोबो। उनथाराव मोखानि बाहागोखौ देलायखानानै गोजा गाबनि रुलेक्स लांगाजों खायमा गाबनि थायगिरि बिबारनि फालिजों गानै जुमै गावनि लेदि बार्द साइखेलखौ लानानै College फार्सेरावना होलांनयसै। थाक-थिग 8.30 Time आव सौहैनायसै। फरायसाफ्रा गोबां गथ'आ दासो साफा सानै फैनो हमदों। रंजालियाबो दैथुनखौ दसे नेथ'नायसै गावनि लोगोफोरजों park आव जिरायना। सेकेन्द मिनिट घन्टाजों समा दावगा दावगा मोब्लाबानो 10 बाजिनि बारलांवाय। दैथुना दसिमबो सौफैयाखिसै। Programme आ start जाबायानो। रंजालिनि गोसोआ जोबोर उसु खुथु जानायसै। दालाय मा जाबावनांगौ मेथायखौ आं सोरजों रोजाबनायनांगौ। लोगोफ्राबो सोलायनो हमबाय दैथुना मानो दासिमबो सौफैयाखिसै। रंजालिआ गोसोजों सानफलाडो ना न'वावसो थादों। नडाब्ला लोमजाबायदोंसो नामा ? नडाब्लालाय मानोथो दाबो नुजाफैदिया। गोसोखौ बुरखायनो हायैनि रंजालिया जंनयनिफ्राय सिखारनानै दैथुननि लजिं फार्से साइकेल

नारै नारै आगानफा आगानफायै थाबायलानायसै। दैथुननि लजिं फारायाव खेबसे थांखांवाय रंजालिया। दैथुनआ गावनो सानसेखालि लिंलांदोंमोन। लजिं room मोनहैनाय लोगो लोगो फांखलेबनाय दरजाखौ खेवनानै गाबजिनाय फावै हाबहैनायसै। हाबहैनाय नुहैबाय दैथुना बेरोबा दुखु दाहानि गाबजों साजायसानानै बिसिनायाव उन्दुसोनानै दं। रंजालिनि गोसोआव बायदिसना सोथि जथायनानै लाबोनाय सोदोबनि थफलाया दैथुननि थासारिखौ नुनानै सेरखाय बेरखाय जाजुबनायसै। सानसिनि बुब्लियाव आख' फाखयै गुरैयै सोनायसै रंजालिया नोंहा मा जादों आदा ? लोमजादों नामा ? ना न'आव माबाफोर मानोथो College सिम थांदिया रंजालिनि रैसुमै रावआव दैथुननि दुखुनि साख्लुमा गोबांसिन सागलोबसिन्नायसै। दैथुना गाबहां गाराजों बुंनायसै- रंजालि आं दिनें नोंजों मेथाय रोजाबनो होन्नायें फुनिफ्रायनो साखा फारा जादोंमोन। नाथाय हरखाब फंबाया आंनिफिसम 7 बाजिसोआवनो गांसे registrar लायजाम होनायें थाडो। जाय लायजामा गोबां बिखा सोमावग्लुंदों। सुखुनि बिहारि दुखारआ बराय हरदों आखाय फायखनानै। बुडा मानो आदा मा जादों नोंहा ? बेफोरखौ नों मा बुंदों आं जोबो बुजिनोमोनाखै। रंजालि आं सासे sinner सुबुं। आंबादि गियान गोयै सानसनो हायै सुबुडा बुहुमाव थानानै थानाया मुगैथाव। सानाखैमोन आं जाखां बिदिन्थानि फावथिनाखौ नॉनि सिगांआव फोरमायनो। सिगांआवथ' नॉनो फंसेबो खिन्थाराफेराखैमोन। नाथाय समानो दिनें आंनि गियानखौ

नॉनि सिगांआव रोखा रोखा आसि दिन्थिदों। खोनासं रंजालि ... आंहा मिना मुनि सासे सिख्ला लोगो दंमोन। जों सानैजों मेट्रिकनि देवना मोनहैजासिम class आ एखेमोन। College आवबो जों सानैबो H.S 1st बोसोरखौ K.C. College आवनो admission लादोंमोन। मिनाया कलेजाव गोबां गोदान गोदान लोगोफोर मोनदोंमोन। बिसोरनि गेजेराव रिमाजों बान्नि friendship जादोंमोन। बिबदिनो दिनेंबो नुदाव गाबोनबो नुदाव आं मानोबा रिमानि रायज्जलायनाय, मिनिनाय महरखौल' गोसोखांवाय थाग्रा जालानायसै। गोसोआ गनायथारैलाय लायजामनि गेजेरजों आंनि गोसोनि खोथाखौ रिमानिसिम फोरमायहरानौ। गिबियाव रिमाया care कालामाखैब्लाबो मिनानि हेफाजाबै बिनि गोसोआ सोलायलानो हमनायसै। सम-सम सुखुग लानानै मोजां- गात्रि, सुखु-दुखु खोथा रायज्जलायसै जों सानैजों। रिमा मा जादों ? आं माबा गोरोन्थि खामानि मावफलांवाय दा। दैथुन नों आंखौ थारैनो मोजां मोनमारो ना ? आं मानोबा गिखांनाय मोनो। मानोबा नों आरो आंनि गेजेराव हा-अखानि फाराग। बावनंथा जानानै सोरगोनि हाथरखि थुख्लायनो थानाया आंनिया गोरोन्थि जादों दैथुन। हायोब्ला आं नॉनिफ्राय.....। नों बेफोरखौ मा बुंलाबायदों रिमा। बेफोर नॉनि गोरोन्थि सान्नायसो। आं बुजिदों नॉनि खोथाफोरखौ सानदों जानांगौ नों धोनि हावरियानि फाराग। मोजां मोन्नाया गोनां गोयै जेबो सिनाया रिमा। आं नोंखौ मोजां मोनो आरो अरायसम मोनबाय थागोन। नों आंखौ

मोजां मोनो माना बियो नॉनिसो खोथा। आं नॉनिफ्राय जानगार जानो लुबैया रिमा। नोंनो आंनि गिबि मोजां मोन्नाय आरो नोंनो जोबधि। नॉनि अनगायै रावखौबो आंनि गोबोंआव जायगा होआ। नों आंनि रादायखौल' नेना था। आं सम सम रिमा मोननि नख'रावबो थाडोमोन रंजालि। बुदां ब्रह्मनि नायल' जाल' सासेल' फिसाजो। महर-मोखां, आखल- आखुवै जोबोर simple आखुनि। मालाय बादि खाबंनय राव बुडा। नख'नि हाल-साला बोथिखर मायरं बायना जानाय। फंबायफोर सानै दं रिमाया। दिन हाजिरा मावनायनि गेजेरजों 8 आरो 9 थाखोयाव फरायो। राजु, रुपम। बिमा बिफायाबो गावसिनिनाय थाडोब्लाबो फरायसा लोगो हिसाबै जेबो गात्रि मोनामोन। हिन्जावनि फिसाया थारैनो मालायनिसो। सम बोथोर फेयोब्लानो न'निफ्राय ओंखारलांनांगौ। नख'रनि आं गोफोरखौ आनन्नायनानै थिग बिबदिनो आंनि लोगो बिनायाबो H.S पास जानायनि उनावनो बिमा-बिफानि नारसिनायाव हाबा जानानै थाडो। गुहाटि गनेसगुलियाव। फिसाया केरानि साख्रि मबो। फार्सेथिं रिमाया रांनि आंखालाव आरोबाव फरायफिनाखिसै। अदेबानि जों साथामबो H.S Final आनजादखौ उथ्रिनो हादोंमोन। बेनिफ्राय आंबो Degree थाखोखौ B.B. Kishan College आवनो मुं थिसनफैनायसै जेराव नोंखौ लोगो मोनफैदों। नाथाय रिमाया बिमाय मोनहानि खामानि मावनो थहैनायसै। Police साख्रि मावो Guwahati आवनो quarter लाना थायो। जाय समनिफ्राय जों साथामबो गावस्रालायो दिनेंनिफ्रायनो आंनि गोसोआबो मानोबा

रिहमानि फार्से थाडाखैमोन। अदेबानि नोंखौ लोगो लोगो मोन्नायनिफ्राय। गोबां साननि उनाव रिमाया आंनिफिसम गांसे लाइजाम दैथाहरदोंमोन। नाथाय आं फिनायाव लायजामनि सोदोबफोरखौ opposit लिंरहरदोंमोन .. आंखौ... मोजां मोन्नायनाया नों...गुबुनजों.... Good bue बाइदि। नाथाय... नाथाय दिनें आंनिफिसम मिनानिफ्राय गांसे लाइजाम सैफेदों। बेसेबा बिखा गावथाव लाइजामखौ फरायब्लानो गासै गुपुरखौ नों मिथिगोन। हनै table सायाव दं बेखेवना नायदो। रंजालिया खनसे गोलाव हांमा सुरनानै लाइजामखौ बेखेवनायसै.....। Dear friend, खुलुमनाय नाजाव। गोबां साननि उनाव दिनें आंनि लाइजामखौ मोनानै नों दा गोमोहाब। दासान्दै मोजां नडासे study जों लोगोसे आंबो गासै बिलिं मोजां। नों गारबोनाय बुब्लिखौ गोसो खाडो ना खाड। आं हले सम-सम निजोमै फारि-फारि गोसो गोसो खांहरो आरोलाय नों रिमाखौ गोसोखाडोना खाड। आं दिनें रिमानि जोबधि बिबुंथि नॉनिफिसम खोनासंहोनो नागिरदों। नोंथ' रिमाखौ अरायसमनि थाखै बावगारखाबाय। खोनासं सपथासे आगोलाव रिमाया Road accident खालामनानै Suicide खालामदों। साननो हागौ नों रिमाया Suicide खालामदों आंहालाय मा जादों। बे दाया नोंनो थारैनो नों रिमानि फार्से गिदिर सुबुंफ्रा हायै गोरोन्थि खालामबाय। नॉनि फोथायखेबस' फावनि थाखैनो अबथिरा लायमोन बैस'आव जीउ फोजोबना लाबाय बोदोर गोसोखौ बुरखाय हायैआव। नों मानो बुजियाखिसै रिमानि गोथार अन्नायखौ। नोंनोथ' रिमाखौ रादाय खादोंमोन जानांगौ रिमायाबो गनायदोंमोन नॉनि जीउ थांखि जाफुं जासिम। नाथाय नों मानो फोथायखेबस' खालामना

